



সানসেয়ারি "বড'সা" খ্রীষ্টোলাইয়াব
সমাজ্যায়ি জিউজোঁ লোব্বা থানায় স্যুথায়, সন্ধ্যায়,
সন্ধ্যা, সন্ধ্যা আৰো দাবৰায়িৰি থাবনি, পাৰ্ক
বাইদিনি স্যায়াব লিৰ্ণায় লিৰ্ণাবিৰাঁ হৈথায় হৰ/
সানসেয়ারি "বড'সা" খ্রীষ্টোলাইয়া সেবস্ৰানাবৈ
ফোসাবগোন/
বড'সায়াব লিৰ্ণায়নি হুৰা সন্ধ্যা,
"বড'সা" খ্রী নৌথোঁ, জোঁ বয়বো আংগো সন্ধ্যা/
সানসেয়ারি বড'সা মাৰখুলি
মাড়বং নোগো, জোহোলাব দৈমালু লামা
কক্ৰাঙ্গাৰ, বিটসি-783370
Website: www.bodosanewspaper.com

BODOSA ★ A Bodo News Daily ★ Froday ★ 5 September, 2025 Kokrajhar, BTC, Assam ★ Vol.-35, Issue No.162 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

গোবাসিন ফোৰপাইথায়নি
থাৰখায় স্কেন খালাম

গোদান ভারতনি গোদান খাদী

2024-2025 আব 1.16 লাখ কৌটি রাঁনি খাদী গামিয়াৰি উদ্যগ দিহুন্থাই
ফান্জানায়নি রেকর্ড, 2013-14 নি রুজুনায়াব 350% বাঁসিন্দোঁ

দিখিনায়নি থাৰখায় খাদী

VOCAL
for
LITKAI
১৬ই সেপ্টেম্বর
CBC25103/15/0008/25/26

সোলোঁথাই রাহাখৌ সমায়না খালামনাযনি থাৰখায় আসাম সরকারআ থাদ 'নায গৈয়ৈ নাজাগাসিনো দং : গিবি মন্থি

দিসপুৰ, 4 সেপ্তেম্বৰ: গিবি
মন্থি ৰু হিমন্ত বিশ্ব শৰ্মাআ
দিনৈ সনিতপুৰ জিল্লানি
ৰঙাপাৰানি সিডৰিজানআব
ৰাঙ্যোআৰি মিৰু সংগা ন'নি
অন্থাই খাম্ফা আৰো হা ফুজা
হোনাযজোঁ লোব্বা লাখিনানৈ
বান্জায়নায হাৰাফাৰিয়াব
বাহাগো লায়ো। মখ'নো গোনাঁদি,
গাসৈ 11 বিচা হায়াব 25 কৌটি
রাঁ খৰ্সা খালামনানৈ বে
ৰাঙ্যোআৰি মিৰু সংগা ন'খৌ
লুফুনায জাগোন। লুফুনায
খামানিয়া আৰুঁ জানায়নি উনাব



বিথাঁখিৰখৌ সামলায়নো থাৰখায়
গুৱাহাটীনি হেৰে কৃষ্ণ মুখমেণ্ট
(অক্ষয় পাৰ্ভ ফাউণ্ডেশ্যন)নি
আখায়াব গথায়গোন।
বিথাঁখিনি সিডাব লুফুঁজানো
গোনাঁ নৈ থাৰখোআৰি গোদান
মুগানি সংগাসালি ন'আব
মাসিগিৰিনি মাৰখ',
জিৰায়সালি খথা, বৰ্ড খথা,
সাৰ্ধাৰ খথা, নাযসংগিৰিফোৰনি
জিৰায়সালি ন', গুৰৈ সংগা ন',
মেগঁ থাঙগঁ লাখিগ্ৰা জায়গা,
বাখি, মাৰ্গ জাবগ্ৰা জায়গা,
মাৰফাৰিয়াফোৰনি থাৰাসালি,
(□ 6 বিলাইআব)

মথনগুৰিআব সা 665 বিজেপি দৈদেনগিৰি মাৰফাৰিয়াফোৰা ইউপিপিএলআব হাবদোঁ

ইউপিপিএল সরকারআ হিন্দু ৰাড্ৰলীফোৰনি 'ডি' ৰ্ধাৰনি
জেনাখৌ সুস্বানায়নি রাহা লাগোন: জয়ন্ত বসুমতাৰি

ৰ্ধাবানিপুৰ, 4 সেপ্তেম্বৰ:
ৰাক্সানি মথনগুৰি আৰো
সালৰাৰি ৰিয়াবআব দিনৈ
কক্ৰাঙ্গাৰ লক সৰ্ধা ৰিয়াবনি
এমপি জয়ন্ত বসুমতাৰিনি
দৈদেনায়াব ৰিসায়খ'থিয়াৰি
ফোসাবদিঁনায হাৰাফাৰিয়া
ৰাঁসিন নোজোৰ ৰোথাবনাসিম
মহৰ মোন্দোঁ। মখ'নো গোনাঁদি,
দিনৈ মোনাৰিলিআব মথনগুৰি
ৰিয়াবনি আগুনি বিজেপিনি
ঘাটি মহৰৈ মিৰ্ণথিজানায়
মাসুবাআব এমপি জয়ন্ত



বসুমতাৰিআ ইউপিপিএলনি
বিজাথি মাৰখন স্বৰ্গিয়াৰখৌ
হেফাজাব হোনানৈ
ৰিসায়খ'থিয়াৰি ফোসাবদিঁনায
হাৰাফাৰি সামলায়ো।
মাসুবাআব খুঁনায সালৰাৰি
জিল্লা ইউপিপিএলনি লোগো
(□ 6 বিলাইআব)

রজন দৈমারিজোঁ লোগোসে জোবথেসালিয়াব থানাঁনায গাসৈবো দৈদেনগিৰিফোৰানো উদাঁ অখ্ৰাঁনি সিডাব ফৈনাযনি লামায়াব: প্রমদ বৰ'

টলানি ৰিসায়খ'থিআৰি ফোসাবদিঁনায়াব বিটিআৰনি
গাহাঙ মাৰফুঁ সোদ্রোমা প্রমদ বৰ'আ বাহাগো লাডোঁ

উদালগুৰি, 4 সেপ্তেম্বৰ:
ইউপিপিএল দোলোআ 2025 নি
22 ডিসেম্বৰআব খুঁজানো গোনাঁ
বিটিআৰনি ৰিসায়খ'থিয়াব
পুৱ মেণ ইলেক্সন মেণেজমেণ্ট
টিউৰিখৌ উনসঁনানৈ সমাজনি
দুখুথিয়া থাৰখোনি সুবুঁফোৰখৌ
ৰাঁসিন নোজোৰ হোনায জাডোঁ আৰো
বে টিউৰিখৌ উনসঁনায়াব
ইউপিপিএল দোলোআ
জাফু'সারবায়। কালিঁদুৱাৰ



ৰিয়াবনি টলানি মোনসে
ৰিসায়খ'থিয়াৰি ফোসাবদিঁ
মেলাব বাহাগো লানানৈ প্রমদ
(□ 6 বিলাইআব)

দুরুঁ সাহা বাগানআব পস্টকাৰ্ড হটেল বেখেবদোঁ

দিসপুৰ, 4 সেপ্তেম্বৰ: গিবি
মন্থি ৰু হিমন্ত বিশ্ব শৰ্মাআ
দিনৈ আসাম সরকারনি দাবৰায়
জৌগালু নিগমআ সনিতপুৰ
জিল্লানি দুরুঁ সাহা বাগানআব
লুফুনায সাহা দাবৰায়িফোৰনি
ফোসাবথাই আৰো জৌগালু
বিথাঁখিৰখৌ বেখেবনানৈ হোয়ো।
মখ'নো গোনাঁদি, আসাম
সরকারআ সাহা দাবৰায়িনি
ফোসাবদিঁনায়াব জ'ৰ'খায়ৈ
গোনাঁথি হোদোঁ। সাহা বাগানখৌ
দাবৰায়সালিনি হটস্পট মহৰ
হোনানৈ সাহা বাগাননি নোজোৰ
ৰোথাবনা ৰাংলাফোৰখৌ আলাসি



থাগ্ৰা সালিআব মহৰ হোনো
গোসো জাহোদোঁ আৰো ৰেনি
থাৰখায় থিসনগ্ৰা এৰা ৰেসেন
গোসা হটেলনি হান্জাফোৰখৌ
শুতুংগাখাং হোনায়নি থাৰখায়
সাৰখা-ফাৰা খালামদোঁ। দুরুঁ
সাহা বাগানআব বেখেবনায়
"ডা পস্টকাৰ্ড হটেল"আ
ৰাঙ্যো সরকারনি ৰে রাহাফোৰনি
জাফুঁসারনায়নি মোনসে মোগথাঁ
বিদিনি। মখ'নো গোনাঁদি, দুরুঁ
সাহা বাগাননি গোজাম ৰাংলা
আৰো অরৈনো থানায় হায়াব
হটেল ফালাংগিনি গিবি সাৰিনি
(□ 6 বিলাইআব)

বিটিসি ৰিসায়খ'থি

ৰাগানপাৰাআব ইউপিপিএলনি
ৰিসায়খ'থি সামলায় আফাদ দাবায়



ৰ্ধাবানিপুৰ, 4 সেপ্তেম্বৰ: বিটিসি ৰাক্সা জিল্লানি ৰাগানপাৰা
ৰিয়াবাব ইউপিপিএল দোলোআ দিনৈ ৰিসায়খ'থি সামলায় আফাদ
দানায়জোঁ মোনসে ৰিসায়খ'থিয়াৰি সুবুঁ সাংগ্ৰাণি সোৰজিডোঁ।
ইউপিপিএলনি ৰাগানপাৰায়াব থানায় মাৰখুলিয়াব দোলোনি
ৰাগানপাৰা ব্লক আফাদনি আফাদগিৰি অপুৰ্ব দাসনি আফাদগিৰি
মাসি সামলায়নায়াব খুঁনায গেৱলাঁ মেলাব ধৰ্মেশ্বৰ ৰ'খৌ
মাসিগিৰি, প্ৰদিপ কুমাৰ ৰ', মাধব ৰৰ্মন, জগেশ্বৰ কলিতা আৰো
ৰবেন ৰ'খৌ গাহাঙ লিঁথুমগিৰি মহৰৈ লানা মোনসে ইউপিপিএলনি
ৰাগানপাৰা ৰিয়াবনি ৰিসায়খ'থি সামলায় আফাদখৌ দানায়
জায়ো। মেলাব ইউপিপিএলনি ৰাগানপাৰা ৰিয়াবনি বিজাথি এৰা
বিটিআৰ সরকারনি বুঁথিগিৰি কাতিৰাম ৰ'আ হাৰাফাৰিয়াব বাহাগো
লানানৈ বুঁদোঁদি, 'ৰাগানপাৰা ৰিয়াবাব ইউপিপিএলনি সিগাডাব
ৰাববো মোগা-মোগি জাগ্ৰা গৈয়া। বিজেপি, ৰিপিএফ দোলোয়া গাব
গাবসিনি গেজেৰাবনো বিজাথিৰখৌ মিৰু খালামনানৈ দাবৰাব-দাবসি
সোমজিনায়া জোবথা মহৰ লাডোঁ। বিজেপি, ৰিপিএফআ বিজাথি
মহৰৈ সাযখ'নাযখৌ ৰাঙো-ৰাজাফোৰনি (□ 6 বিলাইআব)

1077 নং বামুনকুৰা গুদি ফায়সালিআ শিক্ষা সেতু পৰ্টেলআব ৰাঙ্যোনি মোন 10 জিল্লানি গেজেৰাবনো থামথি মাসি আবগ্ৰিদোঁ

গসাঙগাব, 4 সেপ্তেম্বৰ:
ৰাঙ্যোনি গিবি মন্থি ৰু হিমন্ত
বিশ্ব শৰ্মানি সোলোঁথাই
বিথাঁখৌ জ'ৰ'খা নোজোৰ হোনানৈ
দৈদেনলাঁনাযনি ফিথাই মহৰৈ
ৰাঙ্যোনি সোলোঁথাই খোন্দোনি
শিক্ষা সেতু পৰ্টেলনি গেজেৰজোঁ
ফায়সালিনি ফোৰোঁগিৰিফোৰ
আৰো ফায়সা ফায়সুলিফোৰনি
নুজাথিনায়নি রেকর্ড লাখিনায়
রাহায়াব ৰাঙ্যোনি মোন 10



আসামাব সানৈ আগুনি এমএলএফোৰা বিজেপি
আৰো অগপনিফ্ৰায় বিবান এংলায়বায়

কক্ৰাঙ্গাৰ, 4 সেপ্তেম্বৰ : ফৈগৌ ৰোসোৰ জানো গোনাঁ ৰিধান সৰ্ধা
ৰিসায়খ'থিনি সিগাং থাঁনায বুধবাৰখালি সানৈ আগুনি
এমএলএফোৰা গাব-গাবনি পাৰ্টীফোৰনিফ্ৰায় বিবান এংলায়ো।
সিপাঙ্গাৰনিফ্ৰায় আগুনি বিজেপি এমএলএ বিনন্দা সইকিয়াআ
ৰ্ধগবা পাৰ্টী নাগাৰো আৰো অসম গণ পৰিষদ (অগপ) নি আগুনি
এমএলএ সৱ্যব্ৰত কলিতাআ অগপখৌ নাগাৰো, জায় ৰাঙ্যোআব
বিজেপিজোঁ লোগোসে জুথাই দোলোআব দড। সুতুঁনি ৰায়দিব্বা,
সইকিয়াআ কংগ্ৰসআব হাবনায়নি সন্দেহ' দং আৰো কলিতাআ
আসাম জাতীয় পৰিষদ (আজপা) আব হাবনো হাগৌ। থাঁনায
2015 আব বিজেপিআব হাবনায় সইকিয়াআ 2021 নিফ্ৰায়
পাৰ্টীনি ৰিথাঁফোৰাব গাবনিয়াব ৰোসোন লায়ৈনি সাযাব দুখু মোনায
ফোৰমায়দোঁ। সইকিয়াআ গিবি মন্থি (□ 6 বিলাইআব)

জিল্লাফোৰনি গেজেৰাবনো
কক্ৰাঙ্গাৰ জিল্লানি কচুগাব
সোলোঁথাই খোন্দোনি সিডাব
থানায় ৰিন্যাকাটা ক্লাস্টাৰনি
সিডাব থানায় 1077 নং
ৰামুনকুৰা গুদি ফায়সালিআ
90.42 জৌখোন্দো নুজাথিনায়নি
হাৰজোঁ ৰাঙ্যোনি মোন 10
জিল্লানি গেজেৰাবনো থামথি
মাসি আবগ্ৰি নো হানায়খৌ
(□ 6 বিলাইআব)

বিজেপিখৌ এংগাৰনানৈ বিটিআৰআব সরকার দানো হানায় ৰাবহাবো গোহো গৈয়া: রন্জিত কুমার দাস ৰাক্সানি সাবদৰ ৰিথায়াব গোৰাঁ অন্জিমানি সুবুঁফোৰা বিজেপিআব হাবদোঁ

সালৰাৰি, 4 সেপ্তেম্বৰ:
বিজেপিখৌ এংগাৰনানৈ, নৱেন্দ্ৰ
মদিখৌ এংগাৰনানৈ, অমিত
শাহখৌ এংগাৰনানৈ বিটিএডিআব
সরকার দাফুঁনো হানায় ৰাবহাবো
গোহো গৈয়া। বিজেপিআ জেৰাব
নাডো বেবহায় গাঞ্জিয়ৈনো গোহোম
গোপলৈয়ো। দিল্লীআব জোঁনি
সরকার, ৰাঙ্যোআববো জোঁনি
(□ 6 বিলাইআব)



উদালগুৰিনি মাৰখাসে ৰিয়াবফোৰাব ৰিসায়খ'থিনি নোজোৰগিৰিফোৰনো বিবান গথায়বায়

উদালগুৰি, 4 সেপ্তেম্বৰ: উদালগুৰিয়াব আসাম সরকারনি নখ'ৰ
আৰো ৰাজখান্দি ৰিফাননি লেডাং নেহাথায়ি দিটকানন্দ হাজৰিকা
(আসাম সিভিল সিবিতথায়) খৌ দৰ্থাম ৰিয়াবনি নোজোৰগিৰি
মহৰৈ বিবান গথায়বায়। আসাম সরকারনি নখ'ৰ আৰো ৰাজখান্দি
ৰিফাননি লেডাং নেহাথায়ি দিটকানন্দ হাজ'ৰিকাআ ফৈগৌ বিটিসি
ৰিসায়খ'থিনি 31 নং. খেৰাৰাৰি (জনজাতি সৰৈখাথিনায়), 32
নং. ৰেগাব (জনজাতি সৰৈখাথিনায়) আৰো 33 নং. ননৈ সেরফাং
(সৰৈখাথিনায় নডৈ) ৰিয়াব দৰ্থামনি থাৰখায় নোজোৰগিৰি মহৰৈ
উদালগুৰিয়াব বিবান গথায়বায়। ৰিথাডা জিল্লা ৰেংগিৰি
মাৰখুলিনি খথা নং. 1 আৰো খথা নং. 2 আব খুঁনায নিমেনসন
ৰিলাই থিসনায় খামানিফোৰখৌ (□ 6 বিলাইআব)

सुजुगिरिनि खोलोम

मुजिथाव बिसायख'थि थासारि

फैगौ बिटिसिनि 5 थि बिसायख'थिखौ लानानै दासान्दि मोनफ्रोमबो दोलोफोरानो रइजो-रजा भटरफोरनि गेजेराव हाबहेनानै फोसावदिंनाया गोख्छेनिफ्राय गोख्छोर जालांदों। माखासे माहारियारि दोलोफोरनि अनगायै बड'लेन्डनि ओन्सोलारि दोलो मोनैनै फोसावदिंनाया बिसायख'थियारि थासारिखौ मुजिन्थावनासिन खालामदों। मानोना सोलिफु समआव आर्थि-आखाइनि बोलोजों नख, बिबुंथिजों, सोलोजों आरो युक्टिन् बिबुंसारजोंसो बिटिसिनि बिसायख'थि फोसावदिंनायाव नांथाबनाय नुनो मोन्दों। बिटिसिनि 5 थि बिसायख'थि फोबोंनि सिगां सिगां सोलिफु हाल-साल आरो बाराहावाखौ नोजोर होयोब्ला गोजोन थासारि गायसनो हानाया जेरै मडेल महर मोन्नो हादों बेबादिनो बे बिसायख'थियाबो दावराव-दावसि गैयै, हिंसा-हिंसिनि जायगा गैयै गोजोनै खुंजागोनखौ नुहरदों आरो गुबुनफोरनि थाखायबो मडेल जाहेगोन बेखौ सोलिफु थासारियानो रोखा दिन्थिदों। बिसायख'थि समआव बिजाथि मोन्नानै नमिनेसन लाइ गथायनायफोराव दावराव-दावसि जाया, रंजा-बाजायै दल-फेंफा दामनानै जै होयै होयै हान्जा सुरनानै रंजानायखौ मोनफ्रोमबो दोलोनि गेजेराव नुनो मोन्नाय जायो। बिब्दि नुथाया माब्लाबाबो बिसायख'थिनि दुंहाव बार बारनाय जानो हाथावा, रंजा-बाजायै दल-फेंफा दामनानै नमिनेसन हैनाया मुजिथावना थासारिनि नुथायखौसो दिन्थियो। फोसावदिंनाय समआव मोनसेया गुबुन मोनसेखौ युक्तिजों, बाश्रा बानजों फोसावदिं मेलफोराव गावबा गाव दोलो आरो बिजाथिखौ देरहा होनायनि सार्थआव साबसिन होन्नानै दिन्थिनो नाजानानै बिबुंसार होनायाबो मुजिथावना जायो। फोसावदिंनाय समआव राजखान्थिनि फोथारखौ नागारनानै थोंजोडै सोरबा सासेखौ गगलोबनायबो गनायथाव जानो हाया। राजखान्थिगिरिफोर फोथार्यादि- राजखान्थियाव अरयनि थाखाय लोगो आरो सुथुरबो थाया। दिनै आमोखा दोलोजोंब्ला गाबोन गुबुन मोनसे दोलोजों थानानै राजखान्थि गेलेहेनो गोनां जानोबो हागौ। बेखायनो राजखान्थिया सोलोखान्थियानो, अरयनि सुथुरबो नख, लोगोबो नख। बिटिसि बिसायख'थिआव बे थासारिखौ नुनो मोन्नाय जादों। मोनसे समआव दोलो मोनसेनिनो आंगो लोगो सानै दैदेनगिरिया दिनैनि समआव सान्नाय-हनायफोराव गोरोबनो हायै जालायनानै बिटिसिनि 5 थि बिसायख'थियाव आलादा-आलादा दोलनिफ्राय बादायलायनो ओंखारनायबो जोबैरैनो मुजिथावना जागोन। बिसायख'थिया बोसोखानि उन उन फैयो आरो थाडो। बिसायख'थिनि सम फैयोब्ला राजखान्थि दोलो आरो दैदेनगिरिफोर राइजो-रजा भटरफोरनि खाथियाव फैनाया बिसोरनि मावनां हाबाफोरनि गेजेराव मोनसे। दोलो आरो दैदेनगिरिफोरनि फासैं भटर राइजो-रजाफोर बिजिरनानै नायनारनि समआनो बिसायख'थि सम। बिसायख'थि बोथोराव दोलो आरो दैदेनगिरिफोर भटर राइजो-रजाफोरनि गोसो गेलेमहोनो फोसावदिं मेल आरो खौरां बिजोंफोराव मुजिथावना बिबुंथि होनाय नुनो मोनो। फोसावदिं मेलफोराव बेरेखा दोलोफोर अजद होयो, सोलिफु सरकारआ जेबो मावनानै दिन्थिनो हायाखै होन्नानै। बेरफासैं खुंथायाव थानाय दोलोआबो सिगानि सरकार मावनो हायै हालामनि जौगाथायनि हाबाफोरखौ सुंदोब समनि गेजेरावनो मावफुंनायजों लोगोसे गोदान गोदान बिथांथि मिसन-भिजन लाबोनानै ओन्सोलनि लाख लाख राइजो-रजा सुबुंफोरनि जौगालु हाबा मावनायजों लोगोसे अरयथा गोजोन गायसनानै बे ओन्सोलाव राइजो जानाय गुबुन गुबुन हारिफोरनि गेजेराव खौसेथि, फोथायलायनाय आरो गिनाडै थासारि लाबोनायाव जाफुंसारनाय बुंबोदों। थानाय खुंथायनि समआव ओन्सोलनि थासारिया मा बादिमोन आरो बेनि उन समआव मा रोखोम थासारि सौफैखो बेखौ राइजो-रजा सुबुंफोयनो बिजिरनानै नायनो हानांगोन। बड'लेन्डनि राइजो-रजा सुबुंफोरनि अन्सायारि हाबा, जौगाथाय हाबा, गोजोन थासारि लाबोनाय, गिनाडै गावजों-गाव थांलाय-फैलाय खालामनो हानाय थासारिखौ सोर मावदों-सोर मावाखै बेखौ बिजिरनाया राइजो-रजाफोरनि आखाइयाव। मानोना बिसायख'थिनि समआव बेफोर बाश्राफोरखौ बिजिरनानै नायनारनिबो गोनां □

दिनैनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ घ)
कर्कट : ड ह सिंह : म ट कन्या : प ट (ण ष)
तुला : त र वृश्चिक : ब न धनु : ध भ (ढ़ फ)
मकर : ख ज कुम्भ : ग श (स) मीन : द च (ख ञ झ)

मेघ: जेखि जाया बेरमाव गोम्लैबायनो हागौ। देहाखौ सांग्राडै लाखि।

वृष: बायदिसिना जेंनाखौ गोसोखानानै जिंगा सिनांगोन। गोसोखौ लोरबां लानो नाड।

मिथुन: मानिबा जाहोननि थाखाय गाज्रियै जिंगा सिनानो हागौ। गोसोखौ हमथा।

कर्कट: गोसोआव मानिबा दुखु मोनखानो हागौ। गोसोखौ शान्ति मोन्नाय नड।

सिंह: बे राशिनि थाखाय अशुभ सान। मोजां हाबा मावनो नाड।

कन्या: माबाफोर गोरोन्थि हाबा मावफ्लानो हागौ। जेखि मावा सांग्राडै मावनांगोन।

तुला: दिनैनि सानआव गोबां खामानि मावनांनानै खस्ट सहायनानो हागौ। गोसोखौ हमथा।

वृश्चिक: माखौबा मोन्नो हास्थायनाय, लबिया जानाया जोबनाय नड। गोसोखौ हमथा।

धनु: फालांगिरि खालामग्रानि थाखाय गाहाम सान। मुलाम्फा मोनगोन।

मकर: मानिबा फोरबोंनि समाव रंजा-बाजा खालामनो हागोन। गोजोनै सम बाराहोनो हागोन।

कुम्भ: जेखि जाया शुभ हाबा मावनानै लानो हागोन। सान्नाय-हनाय गासैबो जाफुंनो हागौ।

मीन: शुभ खामानियाव आगान सुरग्रोनो हागोन। बे राशिनि थाखाय मोजां सान। गोजोन मोनगोन।

भारतनि सिबिथाय सेक्टरनि जौगानाय हारआ 15 बोसोरनि गेजेरावनि गोजौसिन थाखोआव सौहैबाय

गोदान दिल्ली, 4 सेप्टेम्बर: भारतनि सिबिथाय सेक्टरनि जौगानायनि हारआ आगस्तआव 15 बोसोरनि गोजौसिन थाखोआव सौहैदों। बेयो गोदान अर्डर आरो दिहुन्थायाव गोख्छैयै बांनायजों लोगोसे दाबि खालामनाय थासारियाव मख'जाथाव जौगानायनि जाहोनाव जादों। बे फोरमायथिखौ बुधबाराव मोनसे दानारि जरिबा फोसावनाय जादों। बोथोरारि गोरोबनाय एइसएसबिसि इन्डिया

पिएम मदिनि उनाव जामाइकानि गाहाइ मन्थिआबो फारियै थामथि खेबनि थाखाय बिसायख'थि देरहादों

किंस्टन, 4 सेप्टेम्बर: गाहाइ मन्थि नरेन्द्र मदिनि उनाव जामाइका हादतनि गाहाइ मन्थिया फारियै थामथि खेबनि थाखाय बिसायख'थि देरहादों। जमाइकानि गाहाइ मन्थि एन्ड्रयु हलनेसआ फारियै थामथि खेबनि थाखाय बृहस्पतिबारनि जागायजेन्नायाव बिसायख'थि देरहादों। बे बिसायख'थिया औरैबादि समाव जादों, जेब्ला हादराव अनागार, समान्थि नडि आरो रांखान्थियारि आंखालनि सायाव गुवारै जिंगा सिनाय जादों। बबेखानि हादरनि सुबुंफोरा फिन खेबसेबाव हलनेसनि सायाव आबुं फोथायनाय दिन्थिदों। गिबि फिथायफोरनि बायदिब्ला, हलनेसनि जामाइका लेबार पार्टी (जेएलपि) आ 63 मासिफोरनि गेजेराव खमैबो 34 मासियाव देरहानो हादों। बबेखानि बेरेखा पिपुल्स नेशनेल पार्टी (पिएनपि)आ 29 मासि देरहानो हादों। जामाइकायाव सरकार

लिस्बनआव इलेक्ट्रिस्ट्रकार जाब्रबथायाव सा 15 सुबुंफोरनि जिउ ख ह्हा आरो सा 18 जोखोम




लिस्बन, 4 सेप्टेम्बर : लिस्बनआव बुधबारखालि मोनसे गिदिर जाब्रबथाइ जादों। बेवहाय मोनसे इलेक्ट्रि स्ट्रट्रकारआ रेल लामानिफ्राय गोम्लैदों, जेराव सा 15 सुबुंफोरा जिउ गोमायो आरो सा 18 सुबुंफोरा जोखोम जादों। बे जाब्रबथायाव सासे गथ'जों लोगोसे सा 5 सुबुंफोरा गोब्राब हालोदआव दं आरो माखासे गुबुन हादतनि सुबुंफोराबो जोखोम जादों। बे जाब्रबथाया मोनाबलि होंगो-दोंगो समाव 6 रिगासोयाव मोनसे थिया हाजोयाव जादों। बे खौरांखौ लान्थ्रियै आपटेड होनाय जादों। जों जॉनि गासैबो फरायगिरिफोरनो सम-समनि खौरांफोरजों आपटेड होयो। जों लेटेस्ट आरो ब्रेकि निउजखौ थाबैनो नोंथांमोननिसिम सौहैहोनो थाखाय गोब्राब नांथाबो। गिबिसिनि मिबथिनो हानाय खौरांनि गेजेरजों जों बे खौरांखौ लान्थ्रियै आपटेड होगासिनो दं।□

नाइजिरियाआव नाव जाब्रबथायजों सा 31 सुबुंफोरनि जिउ खहा

अबुजा (नाइजिरिया), 4 सेप्टेम्बर: सा-गेजेर नाइजिरियाआव गंसे गिदिर नावनि जाब्रबथाय जादों। बैयावनि मोनसे दैमायाव बिफानि दालायजों सौग्रावनानै नावआ गोथौ दैआव गोदोदों। बे जाब्रबथायाव गासैं सा 31 सुबुंफोरनि जिउ गोमानायजों लोगोसे माखासे सुबुंफोरखौ गोमाना दड होन्ना मिबथि होदों। रेस्क्यु टिमआ जायगायाव सौहैनानै रैखाथि हाबाफारिखौ जागायबाय। बिबानगिरिफोरा बुधबारखालि बे खौरांखौ मिबथि होदों। नाइजिरियानि माहारियारि अलखद सामलायग्रा एजेन्सिनि बिबानगिरि हुसैन इसाहआ एससिएटेड प्रेसनो मिबथि होयोदि, बे अभारलडेड नावआ नाइजिरियानि बरगु ओन्सोलाव फांसे बिफांनि दालायआव सौग्रावदों। नावआव गासैं 90 सुबुंफोरा गाखोदोंमोन। इसाहया मिबथि होयोदि,



दासिमाव सा 50 सुंबुफोरखौ रैखा खालामनाय जायो। नाथाय गोमानानै थानाय सुबुंफोरनि थि अनजिमाखौ दासिमबो मिबथिनो मोनाखै, मानोना नायबिजिरनाय आरो रैखाथि हाबाफारिया सोलिगासिनो दड। अखानि बोथोराव नाइजिरियानि ओन्सोलफोराव नाव जाब्रबथाय जानाया सरासनखा बाश्रा। थानाय दानावबो हादतनि सा-सोनाब सकत राइज्योआव गंसे नाव बेल्थायनायाव सा 25 सुबुंफोरनि जिउ गोमादोंमोन।□



जरिपनि बायदिब्ला, आगस्तनि समाव गोनांथियाव मख'जाथाव जौगानाया गोदान अर्डर आरो हाबाफारिफोरनि जौगानायखौ

मणिपुरनि सिएफजेएमआ हादतगिरिखौ आलादा खुंथाय दाबि दैखांनायखौ नेवसिगारनो खावलायदों

इम्फल, 4 सेप्टेम्बर: सिटिजेन्स फर जास्टिस, मणिपुर (सिएफजेएम) आ भारतनि हादतगिरि द्रौपदी मुर्मुनो गांसे गोसोखां बिलाइ गथायो, जेराव मणिपुरनि कु कि गोबां ओन्सोलफोराव आलादा खुंथाय सोलिगासिनो थानाय दाबि दैखांनायनि सायाव जिंगा सिनाय फोयमायो। बे गोसोखां बिलाइयाव बुडोदि, बेबायदि डिमान्डआ भारतनि माहारियारि रैखाथि, संबिजरारि आरो बिसोरनि नोगोरारिफोरनि

काश्मीर-हिमाचलनिफ्राय पान्जाबसिम दै बानानि दोहौ



गोदान दिल्ली, 4 सेप्टेम्बर : गोबां अखा आरो दै बानानि जाहोनाव भारतनि माखासे रायज्योफोराव थासारिया जोबोद गाज्रि। हादतनि माखासे सहरफोराव दै ज'मा जायो आरो लामाफोराव दै लोमसावयो, जायनि जाहोनाव थानानै थानायाव आबुडै गोहोम गोम्लैयो। माहारियारि राजथावनि दिल्लीयाव यमुना दैमानि दैनि थाखोया गिखंथावै लोमसावना बोहैगासिनो दं, जायनि जाहोनाव आथिखालाव दैया खाथि-खालानि ओन्सोलफोराव हाबनो हमो। फोथारनिफ्राय लानानै हाजोफोरसिम अखानि दोहौखौ नुनो मोनगासिनो दं। पान्जाबा बे समाव दै बानाजों गाज्रियै गोहोम गोम्लैदों। पान्जाब, हरियाणा आरो जम्मु-काश्मीराव दै बानानि जाहोनाव थासारिया जोबोद गाज्रि। पान्जाबनि

माखासे जिल्लाफोरा बे समाव दै बानानि अलखद गोम्लैना दं। राइज्यो सरकार गासै राइज्योखौ अलखद गोनां राइज्यो महरै फोसावदों। पान्जाबाव दासिमाव सा 30 निखुइ बांसिन सुबुंफोरनि जिउ गोमानाय खौरां नुजाथिदों। खौरांनि बायदिब्ला बे दै बानाया 67,000 एकड़ आबाद मावग्रा हाखौ सिलिंखार खालामो। बेराफारसे, 3 लाख एकड़निखुइ बांसिन हाया दासिमबो दै बानानि दैयाव गोदोजों। बे थासारिखौ नोजोर होनानै राइज्यो सरकार स्कुल आरो कलेजफोराव छुट्टिफोर फोसावयो। गोदान बिथोननि बायदिब्ला, राइज्योआव फैगौ 7 सेप्टेम्बरसिमाव स्कुलफोरखौ बन्द' खालामनो बिथोन होयो। हिमाचल प्रदेशनि राजथावनि शिमलायाव लान्थ्रियै हाबाय थानाय अखानि जाहोनाव थासारिया जोबोद गाज्रि सोलिगासिनो दं। हा गिसिखानाय आरो बिफांफोर

भान्डारीआ बुंदों, सिबिथाय मावथायनि जौगानायनि हारआ 15 बोसोरनि गोजौसिन थाखोआव सौहैबाय। गोदान बिथोनफोरनि बांनायजों हेफाजाबआव बेयो जुलाइआव 60.5 निफ्राय आगस्तआव 62.9 सिम बांदों। बेसेननि बिथिडव बेसेन बांनायनि हारआ 9 दाननि गोजौसिन थाखोआव सौहैदों। बे समावनो गोनांथिनि बांनाया जुलाइ 2012 नि उनाव दिहुनथाय खाजोनायाव बयनिखुइ

गोख्रैसिन बांनायखौ जाफुंसार खालामदों। बेनि अनगायैबो एइसएसबिसि इन्डिया कम्पजिट आउटपुट इन्डेक्सआ जुलाइआव 61.1 नि रुजुनायाव आगस्तआव 63.2 मोन, जाय 17 बोसोराव बयनिखुइ गोख्रैसिन गोसारनायखौ दिन्थियो। भान्डारीया बुंदोंदि, 17 बोसोरनि गोजौसिन 63.2 सिम सौहैदों, जाय दिहुनथाय आरो सिबिथाय मोनैबो सेक्टराव गोख्रों गुवार-बिथा दिहुन्थाय जौगानायखौ दिन्थियो।□



मोन्थाइफोरनि थाखाय थोंजोडे अलखद गोनां। सिएफजेएमनि आफादगिरि आरो मणिपुर सुबुंथि मोन्थाइ आयगनि आगुनि मावफुं आफादगिरि, गागि उखिल खेदेम मणिआ बुडोदि, बे गोसोखां बिलाइखौ बावयैसो समनि सिगां भारतनि

हादतगिरिनो गथायदोंमोन। सिएफजेएमआ बिलाइयाव हादतगिरिनाव हारिनि सायाव बिथा खालामनानै आलादा खुंथाय दाबि दैखांनायखौ नेवसिनो खावलायनानै बुडोदि, संबिजरनि आर्टिके ल 3 खौ हारियारि राजखान्थिखौ बांहोनो थाखाय बाहायनो हाया। सिएफजेएमआ सुबुं अनजिमा हेर-फेर खालामनायखौ नायबिजरनो थाखायबो मोनसे गोजौ थाखोनि माहारियारि नायबिजिराा आयग दानो दाबि दैखांदों।□

मंगलबारखालि हर गेजेराव हा गिसिखानाय जायो। बे जाथायाव माखासे सुबुंफोरनि जिउ गोमायो। अखाया फैगौ समावबो सोलिबाय थागोन होन्ना बिफानआ आपडेट होदों।□

गोम्लैनायनि जाहोनाव बुधबारसिमाव राइज्योआव सोलोंसालिफोरखौ बन्द' लाखियो। सुल्डाव फोरमायनाय बायदिब्ला, सुन्दरपुराव

Achievement

Mahar Swrang Daimary has been awarded the Doctor of Philosophy (Ph.D) degree in the Department of Humanities and Social Sciences by the Central Institute of Technology Kokrajhar (Deemed-to-be-University), Kokrajhar, BTR, Assam-783370. He carried out his research work under the supervision of Dr. Kaushik Barman, Assistant Professor, Department of Humanities and Social Sciences.

His research, titled “Trend in Production and Productivity of Rice in Bodoland Territorial Region (BTR), Assam”, offers valuable insights into regional agriculture and is expected to aid in policy formulation and development of the sector. A native of No. 5 Suagpur, Goreswar in Tamulpur district, Daimary is the son of Mr. Binash Daimary and Mrs. Anima Daimary. He completed his MBA in Business Economics from the University of Delhi and is currently serving as an Assistant Professor in the Department of Management at Assam Don Bosco University, Sonapur.

He expressed heartfelt gratitude to his parents, family members, well-wishers and academic mentors for their constant encouragement and support in this academic achievement.

PUBLIC NOTICE			
This is for information of General Public, Contesting Candidates and Political Parties that the Assam State Election Commission (ASEC) has deputed Election Observers for the BTC Election, 2025 in respect of 20- Mathanguri (Open) 21- Salabari (ST), 22- Koklabari (ST), 23- Dihira (Open), 24- Mushalpur (ST) and 25- Baganpara (ST) BTC Constituencies. They will be available between 11:00 A.M. to 03:00 P.M. on working days as per details mentioned below:			
Name of the Observer	BTC Constituency	Mobile. No.	Address
1. Shri Arindom Barua, ACS, Joint Secretary, Indigenous and Tribal Faith & Culture Department	20- Mathanguri (Open) 21- Salabari (ST)	9365672442	Observer Cell, Forest IB, Near Bansbari Outpost.
1. Shri Diganta Das, ACS, Additional Secretary, Food, Public Distribution and Consumer Affairs Department etc.	22- Koklabari (ST) 23- Dihira (Open)	6001532167	Observer Cell, Circuit House, Baksa.
2. Shri Pranjal Choudhury, ACS, Joint Secy, School Education Deptt.	24- Mushalpur (ST) 25- Baganpara (ST)	6002697255	Observer Cell, Circuit House, Baksa.
SD/- District Commissioner, Baksa, Mushalpur.			
DIPR/D/BSA/163/5-Sep-25			

ड॰ सर्भपल्ली राधाकृष्णन सासे सानथौगिरि, सोलोंथाइगिरि आरो राजखान्थिगिरि : जाहिद आहमेद तपदार

ड॰ सर्भपल्ली राधाकृ ष्णन (1888–1975) खौ भारतनि बयनिखुइबो मुंदांखासिन मेलेमजिबि सुबुंफोरनि गेजेराव सासे महरै सिनायथि होनाय जायो, जाय सासे सानथौगिरि, सोलोंथायगिरि, राजथान्दै आरो राजखान्थिगिरि महरै गोहोम गोनां बिफावफोरखौ ज’ खालामो।सोलोंथायाव बिथानि मख’जाथाव गोहोम आरो आदर्श फोरोंगिरिनि थान्दैखौ दिन्थिनो थाखाय बिथानि जोनोम सान, 5 सेप्टेम्बरखौ भारतआव फोरोंगिरि सान महरै गोसोखांनाय जायो।

सिगानि जिउ आरो सोलोंथायारि बिथा तामिलनाडुनि तिरुतानीआव जोनोम मोननाय राधाकृ ष्णनआ उन्दै बैसोनिफ्रायनो मुंख’जाथाव सोलोंथायारि रोंग’थिखौ दिन्थिदोंमोन। बिथाङ राङरि जेंनाजों मोगा–मोगि जानांदोंमोनब्लाबो, बिथाङ इं 19०6 माइथायाव मद्रास क्रिश्चयन कलेजनिफ्राय सानथौआव गावनि मास्टर डग्री मोननो हादोंमोन, जेराव बिथानि थीसिसआ “‘वेदान्तनि आसारखान्थि आरो बेनि बेसाद सानखान्या”’नि सायाव नोजेर होदोंमोन। भारतआरि सानथौखौ गेजेर हायुंआरि गनायथि मोन्नो हाथाव मोनसे सोदांनाय मेलेमजिबि दोरोङरि महरै दिन्थिनो थाखाय बे गिबि खामानिया बिथानि जिउनां नाजानायनि थाखाय बिथा गायसनदोंमोन।

सानथौआरि बिहोमाफोर राधाकृ ष्णननि बयनिखुइबो देरसिन मोनदांथिया जाबाय सोनाबारि नायगिरिफोरनि थाखाय भारतआरि सानथौनि रोंग’थिगोनां ओंथि बेखेवनाय आरो बेनि गुदिखौ सरैंखा खालामनायमोन। मोनसे रुजुजाथाव नोजोरखौ बाहायनानै, बिथाङ दिन्थिदोंमोन दि वेदान्तिक सानथौआ खालि इसोरारि सानथौल’ नङमोन, नाथाय मोगथाङव बुजिनो थाखाय मोनसे जुक्तिगोनां आरो दाथाय गोनां लामामोन। बिथानि गोदान बेदान्तिक सानस्रिफ्रा अद्वैत वेदान्तखौ गोदान मुगानि जेंनाफोरजों नांजाबनो थाखाय आपदेट खालामदोंमोन आरो दाबि खालामदोंमोनदि गासैबो धोरोमा जोबनायाव रोखोमसे इसोरारि सैथोथिसिम दैदेनो जायजों बिथांखौ धोरोमारि गुबुनथिनि फोथाराव सासे धोरोमारि दावबायथिंग्रा महरै गायसनदोंमोन।

बिथानि गाहाय खामानिफोराव मोनसे गुवार मोनै–खोन्दोनि फरायसंनाय “‘इन्डियान फिल’सफी” (1923–1927) दं, “‘दि हिन्दु भिउ अफ लाइफ”’ (1927)आ मोनसे मानगोनां रायखांजानाय जाना दं, आरो “‘एन आइडियालिस्ट व्यु अफ लाइफ’ (1932)आ मोनसे मानगोनां रायखांनाय जाना दं आरो अक्सफर्डआव हिबार्ट लेक्सारआ गोहोम खोख्खैदों। बे लिरनायफोरनि गेजेरजों, बिथाङ जाफुंसार महरै भारतआरि सानथौआरि दोरोंफोरखौ मुलुगनां मेलेमजिबि बिबुंथियाव समान

बाहागोआरि महरै जायगा होदोंमोन।

सोलोंथायारि सानथौ आरो बेनि गोहोम

राधाकृष्णनआ फोथायोमोनदि सोलोंथाया सासे सुबुंनि मोनफ्रोम बिथिंखौ फेदेरग्रा – मेलेमजिबि, बोसोनारि आरो धोरोमारि गायसनग्रा। बिथाङ दाबि दैख्खांदोंमोनदि खारिथिखौल’ दैश्रायहरनाया थोजासे नङ; नंगुबै सोलोंथाया गियान, आखु आरो उदां सानस्त्रिखौ बांहोनो हायो। बिथानि नोजोराव, फोरोंगिरिफोरा समाजनि इयुनखौ गोहोम खोख्खैग्रा नाथाय खालि खौरां होग्रा, लामा दिन्थिगिरि, बोसोनगिरि आरो बिफाव दिन्थिगिरिल’ नङमोन।

इं 1931 माइथायनिफ्राय इं 1936 माइथायसिम अन्ध मुलुगसोलोंसालि आरो इं 1939 माइथायनिफ्राय इं 1948 माइथायसिम बनारस हिन्दु मुलुगसोलोंसालिनि भाइस चेन्सेलर महरै बिथाङ फराफारिखौ गोदान मुगायारि खालामनाय आरो बिजिरसंनायाव गोखों गोसो होनायनि थांखिजों दावगालु फोसाबनाय लाबोदोंमोन।बिथाङ ओरैबायदि मोनसे आबहावाखौ जौगाहोदोंमोन जेराव सानजा आरो सोनाबारि मोनैबो गियान खान्थिया जयै जौगानो हायो। बिथानि सोलोंथायारि सानथौआ जर’खा खालामनायाव गुसेब नोजेर होनायनि अनगायै गासै जौगानायखौ गोनांथि होदोंमोन। अक्सफर्ड मुलुगसोलोंसालियाव (1936–1952) सानजाआरि धोरोम आरो आसारखान्थिनि स्प्याल्डिंग बिबुंगोरा महरै बिथानि थिसनथाया मख’जाथावमोन, मानोना बिथाङ सोनाबाव बेबादि मुंदांखा सोलोंथायारि बिफाव लानाय गिबिसिन भारतारिफोरनि गेजेराव सासे मोन। अक्सफर्डआव गावनि समनि समाव, बिथाङ नंगुबै हरिमुआरि सोलोंथायारि सावरायनायखौ थुलुंगा होदोंमोन, भारतारि सानथौखौ फोरोंदोंमोन आरो सोनाबारि सानथौआरि दोरोंफोरजोंबो मोजाङै नांथाबदोंमोन।

राजखान्थियारि आरो गोजोर गोनां सिबिथाइ राधाकृ ष्णनआ गुबैयै सासे सोलोंथायगिरिमोनब्लाबो, गियाना बिथांखौ रायजोआरि सिबिनायाव गोनां बिफाव लानो खाबु होदोंमोन। इं 1949 माइथायनिफ्राय इं 1952 माइथायसिम सभियेट इउनियनआव भारतनि गिबि राजथान्दै महरै, बिथाङ भारतनि लोगोआरि नडै थाथायखौ लाखिनानै गुसु दावहानि जेथोगोनां थासारिफोरखौ सामलायदोंमोन। बिथानि सानथौआरि सोलोंथाया मुलुगनाडै जेंनानि मोनसे गोनांथार समाव भारत आरो यू.एस.एस.आर. नि गेजेराव हरिमुआरि सोमोन्देखौ बांहोनायाव जोबोद गोनांथारमोन।

लेङइ–आफादगिरि (1952–1962) महरै बिथाङा मावख’आव थानाय स’म आरो उनाव हादतगिरि महरै(1962–1967) बेफोर गोनांथार मासिफोरनि मेलेमारि गोनांथि आरो खान्थियारि फोथायजाथावनायाव

मख’जाथाव बिहोमा होदोंमोन। गावनि गासै बिबान सामलायनाय समाव, बिथाङ दिदोमै दैदेन्नाय आरो खान्थियारि बिबुंथि होदोंमोन जाय चीनजों 1962 मायथाइनि दाङबाजि आरो पाकिस्तानजों 1965 माइथायनि दावहायाव गोहोम खोख्खैदोंमोन आरो बे बिफावानो संबिजिरारि आखुथाय थासे आवबो आफादगिरिखौ भारतनि धोनि हारिमुआरि आरो सानथौआरि उनमोनथाइनि थान्दैयाव सोलायहोदोंमोन।

हारिमुआरि आरो समाजारि गोहोम

राधाकृ ष्णनआ धोरोमारि गोरोबलायनाय आरो धोरोम गेजेरारि सुंजोबनि सासे गोखों मदतगिरिमोन। बिथाङ गले–गले फोरमायबाय थादोंमोनदि गुबुन–गुबुन धोरोमा मोनसे जोबथा सैथोनि गुबुन–गुबुन लामा, बिथानि बे फोथायथियानो भारतनि बायदि रोखोमनि धोरोमारि आबहावायाव सासे खौसे खालामग्रा सुबुं महरै सिनायथिजादोंमोन। “‘बायदि रोखोमनि खौसेथि”’नि बे सानदांथिया भारतारि धोरोम उदांस्त्रिनि मोनसे गुदि बिथिं जादोंमोन।

बिथाङ फामुवारि सोलिबोनाय सानथौफोरखौ फेरफाथिनानै हिन्दु धोरोमखौ जुक्तिगोनां आरो बरायनाय आदबजों बेखेवना होदोंमोन। बिथानि नोजोरथिया भारतारि धोरोमफोरखौ फामुआरि मुगानि गुदि महरै बेखेवनायखौ हेंथा होनायाव गोनांथार बिफाव लादोंमोन आरो हारिमुआरि गोग्गानाय आरो धोरोमखौ फोथांफिन्नायखौ बांहोदोंमोन। मुलुगनां थाखोआव भारतनि गाहाय हरिमुआरि थान्दै महरै, राधाकृ ष्णनआ गावनि बिबुंथिफोर, लिरनायफोर आरो गोजोर गोनां नाजानायजों भारतारि सोदोमस्त्रिनि गेजेर हायुंआरि सानस्त्रिफोरखौ सोलायदोंमोन। बिथाङ भारतारि हरिमुखौ सोदांनाय, सानथौआरि आरो मुलुगनां सुबुं जेंनाफोरनि थाखाय आरजाथाव महरै दिन्थिदोंमोन।

थुनलाइयारि मोनफुंनायफोर सासे गोबां दिहुन्थाय लिरगिरि महरै राधाकृ ष्णनआ गोबां बिजाबफोर आरो रायथाइफोर लिरदोंमोन, जायनि गेजेराव गोबाङनो सानथौ बिगियान आरो धोरोमारि फरायसंनाय बिथिङव गसंथानायमोन। बिथानि सोदांनाय आरो खाथिसिम सौहैनो हानाय लिरनाय स्टाइलआ सोलोंथायारि सैथोथिखौ रैंखा खालामनायजों लोगोसे जेथोगोनां सानथौआरि सानस्त्रिफोरखौ सरासनस्त्रा सुबुंफोरनो गोरलैयै बुजिनो खाबु होदोंमोन।

भगवत गीता आरो उपनिषद बायदि क्लासिके ल बिजाबफोरनि सायाव बिथानि रावसोलायनाय आरो बुंफोरथिफोरा बेफोर गोनांथार खामानिफोरखौ आथिखालनि फरायगिरिफोरनि थाखाय बुजिनो हानाय खालामदोंमोन। बिथानि ओंथि बेखेवनायनि आदबआ

फरायसंगिरिफोरनि गेबेंथि आरो गोदान मुगानि गोनांथिनि गेजेराव मोनसे समानथाय लाबोयो आरो बैफोर गोदो–गोदायनि बिजाबफोरखौ गोदान जोलै फोरनि थाखाय आरजाथाव लाखियो।

गोजोर लिगेसि

बिथानि जोनोम सानाव फोरोंगिरि सान फालिनाया सोलोंथायनि सोलायनाय गोहो आरो समाजाव फोरोंगिरिफोरनि गोथार बिफावनि सायाव राधाकृष्णननि फोथायनायखौ नेमखान्थि गोनां खालामो। बे बोसोरारि फालिनाया बिथानि सोलोंथायारि सानथौखौ फोथांनानै लाखियो आरो हादतनाडैनो फोरोंगिरिफोरखौ थुलुंगा होयो।

बिथानि सानथौआरि हाबाया दासिमबो रुजुजाथाव धोरोम, सान्जा आरो सोनाबनि गेजेराव सावरायनाय आरो धोरोमारि गुबुनथिनि सानदांथिनि सोमोन्दै अाथिखालनि सावरायलायनायखौ गोहोम खोख्लैयो। आथिखालनि फरायसंगिरिफोरा गुबुन–गुबुन हारिमुफोराव सानथौखौ बुजिनो थाखाय बिथानि ओंथि बेखेवनाय आरो आदबफोरजों रायज्लायबाय थायो।

गुबैयै, ड॰ सर्भपल्ली राधाकृष्णननि गोबां बिथिंनि उनमोनथाइयाव सानथौ, सोलोंथाइ, कुटनीति आरो हारिमुआरि ओंथि बेखेवनाय दं। बिथाङ गोहोम गोनाडै दिन्थिदोंमोनदि मुलुगनां आयदाफोर आरो हारिमुआरि सावरायनायाव सांग्रां बाहागो लानायजों लोगोसे गावनि हारिमुजों मोनसे गोखों सोमोन्दो थानो हागौ। बिथानि जिउआ गोदो–गोदायनि गियाननि सासे गोग्गाथाव बिबानगिरि जानो हाथावनानि फोरमान महरै खामानि मावदोंमोन आरो लोगोसे सासे जौगानाय गोदान सानथौगिरिबो जानो हादोंमोन।

बिथानि बयनिखुइबो देरसिन बिहोमाया बेखौ दिन्थिनायाव दि भारतआरि सानथौआरि दोरोङरिफोर। मुलुगनां मेलेमजिबि सावरायनायाव मख’जाथाव बिहोमा होनो हागौ। सान्जा आरो सोनाब, गोदो–गोदायनि गियान आरो आथिखालनि जेंनाफोर, सोलोंथायारि नाजानायफोर आरो सुबुं समाजखौ सिबिनायजों राधाकृष्णनआ नांथाबनाय फरायसाफोरनि मोनसे दिन्थि महर गायसनदोंमोन जाय गासै मुलुगनि फरायसंगिरिफोर आरो फोरोंगिरिफोरखौ थुलुंगा होबाय थायो।

आथिखालनि मुलुगआव, जाय हारिमुआरि गोरोन्थि बुजिलायनाय आरो धोरोमारि दावराव–दावसिफोरजों जुजिगासिनो दं, राधाकृष्णननि गुबुन–गुबुन दोरोंफोरनि गेजेराव सन्मानगोनां सावरायलायनायनि नोजेर आरो बायदि रोखोमनि खौसेथिनि बिथानि सानथौआ दासिमबो जोबोद आरजाथाव आरो गोखैनो गोनांथि दं।☐

रंजालि गथ’फोरनि सौरा

फ्राय दुखुनि लैथोयाव सानस्त्रियो

जिउ
राहा
गैजायै
जिउ लामाया
आगदा आखाइ मोननो गोब्राब जायो
जिउ
राहा
गैजायै
जिउ लामाया
जिंगोर जिंगोर हांमा सुरनो नाडो
जिउ
राहा
गैजायै
जिउ लामाया
सोरनिबा नोजोराव सुनि सुनि
जिउ
राहा
गैजायै
जिउ लामाया
फ्राय दुखुनि लैथोयाव सानस्त्रियो
रैदोम बर’, बाक्सा

दावहा

<i>जादोंसैं हनै</i>
<i>बर’ हारिनि गेजेराव</i>
<i>गावजों गाव दावहा।</i>
<i>बिसोरबो बैसोखौ नायनो हालिया</i>
<i>बैसोरबो बिसोरखौ नायनो हालिया जादों।</i>
<i>बर’ हारिनि गेजेराव</i>
<i>गावजों गाव दानलाय–सुलाय</i>
<i>मानि थाखाय मानि जाहोनाव</i>
<i>सोरखौ लानानै</i>
<i>बर’ हारनि गेजेराव</i>
<i>गावजों गाव हारिजों हारि</i>
<i>दावहा जादों।</i>
<i>नॉंबो बर’ हारि</i>
<i>आंबो बर’ हारि</i>
<i>मानो जानांगौ</i>
<i>गावजों गाव दावहा।</i>
<i>दावहाखौ ज्राब गारनानै</i>
<i>हारिखौ गोजौ दैखानो</i>
<i>खौसे जादो।</i>
<i>बिदा–फंबाय बायदि</i>
<i>अनलायनांगौ।</i>
<i>दुखुखौ गारनानै</i>
<i>सुखुखौ लाबो नांगौ।</i>
<i>बर’ हारिया खौसे जायाब्ला</i>
<i>गुबुन हारिजों नाखेब जागोन,</i>
<i>मुगै जागोन आरो मिनि जागोन।</i>
<i>बेनि खायनो बर’ हारिया</i>
<i>गुबुन हारि बायदि खौसे जानांगौ।</i>
<i>बर’ हारिया जेब्लाबो खौसे जादों।</i>
<i>मिथिसार नार्जारी</i>
<i>गायि– चितनागुरी।</i>

साया माया रजे...

आय’ आंनि गोबोंयाव
साया माया गेलेफैयो
नों रजेनि महारल’
।
नुजाफेहां जाखांफेहां
नोंनि रैरु महारलाय
आंनि थायनै मेगनाव.....।
हाबाब रजे नोलाय.....
जावलिया गोसोखौ
गोजोनलाय होफैबाय।
नाथाय नुवा आं मोख्थाडाव
नों रजेनि महरखौलाय।
आंनि गोरबोयावल’ मानो
साया माया गेलेफैयो।
नोंनो जागोन नामा ?
आंनि साया माया रजेयालाय...

अरुन बसुमत्तारी
लःसो:– मावरियागाव
जिला–कक्राझार,

नोंखौ गोसोथोफ्लेनाय बे बुब्लियाव

नोंखौ गोसोथोफ्लेनाय बुब्लियाव
सान मोखांआरि महरजों गावदां
अखाफोरबादि साथिफबनाय
महरा गोरबोनि गोजोन हाबिलास
रनसायना सिमांखौ मोगथांजों
गोरोब होनो अन्नायनि फिथिरखा
लुफावना होयो।

स्त्रि–स्त्राय निजोम हराव
नोंनि फलें आसिजों
बिलिरलाडोब्ला आंनि सिमां
नुफुनाय बिखाया सिरिमोनोब्ला
आरोबाव नों फिन गोदानै
सिमांखौ बरायनानै
लाबोफिनो।

फुं'बिलिनि गुसु–गुसु सुदेम
बारनि बिलिरलांनाय
दावसिनफोरनि जाखिसे
गोदै दें'खो रोजाबलाडोब्ला
नोंखौ रायदावलांदों
सान्ना खोनाफा–माफा
मोनो गोसोआ।

नों फैगोन्नि आसायै
नोंखौनो नेयो आं
बै बुब्लियाव जेराव
नोंनि आरो आंनि
अनलाइनायनि रोखाथिया
नुसारगोन बे मुलुगाव,
आरो अन्नायनि फिथिखा
जिरिगोन बिखायाव,
नोंखौ गोसोथोफ्लेनाय
बे बुब्लियाव।

निरन दैमारि, बिस्वनाथ

मोजां मोनज्लायनायनि खेबसुल

मोजां मोना नङ मोजां मोनज्लायनो हास्थायदोंमोन खनसे गोसो होआ नङ गोसो होज्ज्लायनो लुबैदोंमोन खनसे ङक्टर गैया नङ, अजा–बेजा, कबिराज गैया नङ गासैबो दंजोथारो

सुबुंस्त्रिनि जिउआव मोजां मोनज्ज्लायनायनि केन्सार बेरामखौ फाहामनो हानाय बाश्राया एसेबां गोरलै बाश्रा नङ।

सुबुंफोरनि खुगा खुगा खोनानोमोन्दों बुहुमनि बिखायावलायनो मोजां मोनज्ज्लायनायनि खेबसुल दंलायनो

सैमाफग्ला अरफ्रामजानाय गोसोखौ लानानै हाब्रां–दैब्रां, हाग्रा–बंग्रा, बारि–बागान गासैयावबो खुरखाव–खुरसि नागिरजोबथारबाय आं

गैया माथो बोरो ब’हाथोनो..... ?
हास्थायसुला गोसोआ आनान गसाय सोरजिगिरिनि सेराव दहाय लानानै

नारा नाथा गाबख’–गाबख’ बिबायबायदोंमोन मोजां मोनज्ज्लायनायनि खेबसुल ,

गमामायैनो सुबुंनि रुप लानानै आनो होलांदोंमोन रोखोमनै मोजां मोनज्ज्लायनायनि खेबसुल

बिदिन्थाया बाबेननायनि मोनसे खान्थि सुबुंस्त्रिनि रेंनो नाजानाया मोनसे गान्थि सोरजिगिरि आनान गसायनिफ्राय मोननाय गिबि खेबसुलखौ बाहायदोंमोन आं खनसे अब्ला संसारनि मावनाय–दांनाय, जानाय–लोंनाय गासैखौबो फारि फारि बावगोमालांजोबनो हमलांदोंमोन उरायहां–उरायहां सिमां सानस्त्रिनि मोगथां मुलुगाव संसारनि गासैबो सुखु गोजोन रुपफोरनि रंजानाय मिनिनायफोरा फावथिनासालिआव जायगा लाफैदोंमोन जेन गावखौनो गाव साननानै लादोंमोन आंबो एक्टर गाजोला।

सोरजिगिरिनि नैथि खेबसुलखौ बाहायनानै नायदोंमोन आं खनसे

अब्ला रंजानाय फुं'खानि उरायहां उरायहां सानस्त्रिफोरनि मोन्दार्थिफोरा लासै लासै फारि फारि जानगारलानो हमबायमोन

आंगो सोमोन्दोफोरा अराय समनि थाखाय थारल्ला थुरल्ला गैया जालांदोंमोन

जेन दुलाराय सोरजिआवनो एखुथिया आं ल’थारसै जेन दुखुनि खोमसि सायखंआ आंनियावल’ बासा लाफैदोंसै

जेराव दंनायमानि संसारनि दुखु–दाहा, हांमा–हांसा नेरसोनफोरनि मोदैजों सोरजिजानाय सागोरखौ बेयावनो नुनो मोनबोदोंमोन आं

अब्लानिफ्राय सोरजिगिरि आनान गसायनिफ्राय गाबख’नानै मोननाय मोजां मोनज्ज्लायनायनि खेबसुलफोरखौ जोथोनै बाहायनो लादोंमोन आं।

बनमालि दैमारि बेन्नाबारि, बाक्सा

सुंद’ सल मायाराम बसुमतारी

बुंनो थांब्ला आं बिजनीआव फैनाया बा बोसोरनि बारा जाबाय । आयदा फोरोंगिरि हिसाबै साख्रि मावजेननायनिफ्रायनो बेयाव फैदों । बे जायगानि मानसिफोरजों आंहा सोमोन्दो आनो थ’ गैखायामोन । नाथाय फरायसा-फरायसुलि, बिमा-

बिफा आरो गार्डेनफोरा सम सम “ सार, आ बैसागुआव जोंनाव फै, दमासियाव जोंनाव फै, गाबोन आदानि हाबा दं’’, मास्टर बाबु “ आं संफोरफिसाजो देरसिनखौ बिलाइ हरगोन नोंथाडा फैथार ’’ बायदि बायदियाव थांलाय

फैलायाव मानसिफोरजों सिनाय लायदों । सेंग्रा बैसो, बिसि-फिसानि हावरिया, बेनि सायाव साबजेक्ट टिसार, बोसोराव 3 (थाम) दान क्लास खालामनानै 9 (गु) दानखौ थामफै खबथारनायाव बाहायनो हायो । बिसि-फिसा

दंजानायफ्रा 9 दानखौ बिसिखौ अन्नाय फिसा बुरखायनायाव बाहायनो हायो । नडाब्ला सोरबा दैदेनगिरिनि खिफि मोनाम सुनानै, थामफै दांग्रा खबथारनानै रां खामायनानै समखौ फोजोबनो हायो । नाथाय आंहालाय बोरै.... ? ना बिसि-फिसा ना सोरबा

दैदेनगिरिजों ?’’ नाथाय....आंहाबो सानसे खालि । सामारभेकसननि साननै सिगां । बाराया मामोन आं बावबाय । समआ 3.30 पि.एम. गथ’फोर थांखानायनि उनाव आब’ ब्रह्मजों आं साहा लोंदोंमोन । साखाधियाव गासैबो स्टॉफ आब’आ आंखौ बुंदोंमोन:-

“ सारा जोंनाव थौना । जोंनि हिन्जाव गोदानखौ नायनो दिनै बिबोनां गेजेरनि हाबा ।’’ “ थौ आब’ थांगोन । थांजागोन ।’’ दसे थाना आं आब’ ब्रह्मखौ आं प्लाजार 180 बाइकआ दिखोना बुं-बुं । आब’खौ बाइकआव दिखोनो मोन्ना ओरैबायदि सानफ्लांदोंमोन जे-

“ आं सासे बिखुनजोखौ बिसि लोम जानायखाय नागनो थाखाय बिहावनिफ्राय आंनाव लाना फैदों । थानानै आब’नि न’आव सौहैब्ला नुबाय बायदि गाबनि रंगिना-संगिना साजायनाय । आब’आ आंखौ इय्रियं रुम आव जिराय होनायसै । दसे थाब्ला सासे हिन्जावसा कल्ड ड्रिक्सिंखौ होना थाडो । आं कल्ड ड्रिक्सिं लोंहा जाब्ला आब’आ सासे मानसिखौ इय्रियं रुमआव लाना फैयो आरो बुडो-

“बसुमतारी सार, बे कल्ड ड्रिक्सिं लाबोनाया रानि । कक्राझार कलेजआवनो केमेस्ट्रि अर्नास लाना फाइनेल होखांबाय । फैनाया दाननै 15 दिनल’ जादों । बियो रानि बिफा । बिजनी डिस्ट्रिक् बड’ साहित्य सभानि आफादगिरि । आगोलाव हाइस्कुलनि एइस/टि मोन । नाथाय पभिनासेलाइस जायैआ बेखौ गारनादा एल.अवाइ.चि एसेन्ट मावनबो आरो समाजनि खामानियाव नांथावबाय ।’’ “नमस्कार गुमै ।’’ आं बुडो ।

आं कल्ड ड्रिक्सिं लोंखांहं जाब्ला रानिया फैफिननायसै । आब’आ रानिखौ थांखिना बुडो-- “रानि मा मा सारखौ खुलुम ।’’ आरो कल्ड ड्रिंक होफै खानायनि उनाव एसे इनट्र डाक्स होखादोंब्लाबो आब’आ रानिनि सिनायथिखौ होफिन बावनायसै-

“बियो रानि बसुमतारी सार । जेबो रोश्रा दानो लुनोबो रोडा । संनाय खावनायखौबो लोलोंथंआखै । देलाइ आग्रिथ’ । जेबो रोंथ’ थाराखै । नासारिनिफ्राय दिनैसिम ह’स्टेलआव देरबोनाय ।’’ “हस्टेलआव थाग्राफ्रा बिदिनो जाखायोआब’ । मराल केरेकटार फोरखौबो दानानै होनो गोनां जाफिनो ।’’ आंबो आबजों बिदिनो एस सार्पट होफादोंमोन । रानिया अब्ला बिमाखौ आब्रा रावै बुंदोंमोन । “आइया जोंनाव आलासि फैब्लाथाय खालि आंनि डिमेरिट खौल’ गुबुननो फोरमाय हरो । नों

मानो बिदि आयै । आं उनाव सोलोंगोनना । बिदि बुंना रानिया इय्रियं रुमनिफ्राय ओंखार लाडो । आरो आब’आ आंखौ साराबो नोंथानि रुमाव जेबो खामानि गैयाब्ला इ्रेसआ सोलायनानै आलासि रिसिभ खालामग्रा जादों बुंनायसै । इ्रेसआ मोजाडै गानखाहाय दा समायना रमायना बिजनी टाउननि सिख्लाफोर फैगोन । दसे थानानै आब’आ होफैनाय गामसाखौ सोलायनानै आब’मोननि हाबायाव हेफाजाब होनायसै । मानसिफ्रा थाहां फैहां ।

रानिया आंखौ गोजाननिफ्राय मिलौ- मिलौ नायहरदों । बबेथिंबा थाहां सोरजोंबा रायज्जायहां आंखौ नायहरहां । बिनि बिदि आखलखौ नुना आं एसे बोरैबा सानफ्लांनानै बुंनायसै- “रानि, ऐ रानि ओजों फै । नों नैबे सेयारआव जिराय ।’’ रानिया फैनायसै आरो आंजों जिराय फैनायसै । बेनिफ्रायनो बेनिफ्रायनो मा जाखो आं मिथिला ।

सम बारलांनाय लोगो लोगो आं रानिखौ आंनि जिउनिफ्रायबो साबसिन मोजां मोननो हमनायसै । सामारभेकसन मोननानै न’आव थानाय समाव मिच कल एखमब्ला कल, एखम्ब्ला एस.एम.एस. बुंनो थांब्ला 24 घन्टायाव 08 घन्टाखौल’ बाद जायो । रानि आरो आंनि गेजेराव एसेबां दावगादोंब्लाबो आं खोथाखौ आबनो हायाखै । आब’आबा गाब्रि मोनो ना मोजां मोनो । दिनै बि.एसचि उश्रिनानै जि.इउ.आव एम.एसचि खालामनो थांदोंब्लाबो रानि हा फरायनायाव एसेबो गोसो गैया । बेखायनो बियो आंखौ सेंटारडे इभिर्निंआव लिंहरो मानडे मर्निंआव आं फैफिनो ।

सानेखालि चिडियाखानायाव राइन’नि बोथोर लानायनि बुब्लिमोन । राइन’नि बोथोर लानायखौ नुनानै रानिआ आंखौ बुंदों- “आदा, आं मिथिया, आं मा जालांखो । मानो नोंखौल’ नांगों ? नों गैयाब्ला माबा सुखुआ सुखुआ मोनो । आंनि बिखा देहा-सोलेर मा नांगौ नों मानो मिथिया ?’’ उनाव रानिया गाबलांनो हमो ।

“आया, रानि नों मानो गाबखो ?’’ “नडा, आदा, आं नोंखौ मोनाब्ला मा जागोन मिथिया । आं ओंखामखौ 7 दिन जाया लोडाब्लाबो थानो हागोन । नाथाय नोंनि अन्नायखौ 1 सेकेन्ड समबो नागारनो हाया ।

बिदि बुंनानै रानिया आंखौ थामबुं

गोबानानै लायो । गोसो जायोब्ला आं रानिखौ राइन’आ बोथोर लानायनि बांसिन हायोमोन । नाथाय फाव दं । नांगौब्ला आं जुलिनि उनाव.... ।

नाथाय बोथोर बारलांनाय लोगो-लोगो रानिनि (*ह 6 बिलाइनिफ्राय*) एस.एम.एस. मिस कल आरो कल फ्रा लासै लासै खमाय लांदोंमोन । खमायै खमायै रानिनि कलफ्रा आंनाव फैयाखैमोन । आं हरब्लो र’ आं बेजि दोनथ’ । र’ आं बाजाराव, र’ आं क्लासआव दं । नाथाय मानो र’ । र’ दा एथ’ समाव हर नडाब्ला दोनथ’ दा आं हरगोन बुंनो हायो । जाथायखौ आं बोरैबा मोनना नायबजिरनायसै । गावनि लोगोफोरनाव सोंहरब्ला मिथिबाय रानिया सासे रिडार जों गोसो थोलायबाय । रिडार आबो नांनायखिनि बिजाब न’ट रानिनो हरो ।(*उन बिसानाव*)

जाथायखौ मिथिनानै आं गावखौनो हमथा हाया-हाया मोननायसै । जाउनाव आं फरायसालिनिफ्राय सुटि लाना न’आव फैनायसै । मानसिनि दुखु-सुखुखौ मानसिनि मोखाडाव नायना सिनायो । आयाबो आंखौ हमनो हादों जानांगौ । एखमब्ला बुंसै :-

“फिसा, नोंखौ आं सान्दोंमोन, बे दानमोन्थामाव जुलि लानो फैदों । नाथाय गैया । रावबो गैया । नोंनोथ’ नुखाबाय । नों जोंनि सासेल’ फिसा । बिमा बुरिनि संनाय खावनायखौ बेसे जाबावनो ? लाबोदो । सोरबा दंखायो नामा ?’’ अब्ला आं रासिन दुखजों नाख्रेब जानायमोन । गाबनो ओंखारसिनोमोन । आं बिनि डिमेरिटखौ दिहुन्नो बावनो थाखाय । बियो खानाय खिंख्रि-ख्रि, बेखौनो लाबाय । बिनिफ्राय साबसिन एक्टिस बायदि मोनगोन ।’’

नाथाय बिखौ बावनो हाया । बिनि खानाय खिंख्रि-खिंख्रिखौ साबसिन समायनासो नुबावो । आरो एखमब्ला बावथारनो सानना, बिनि दानो लुनो रोडै डेमेरिटखौ दिहुन्नो :

“बियो, जि दानो रोडा । बिखौनो हाबा लाबाय ।’’ आर बिदिब्लाबो मेरिटसो ओंखार फैबावो । दानो रोडाब्लाबो जेबो नडा । बिजनीयाव गोबां दख’ना गलाफोर दं बिनिफ्राय बायनो होगोन । अब्ला बावनो हासिन बाबासो जायो । जाब्ला बावाब्ला, गोसोआव दुखुसो मोनबाय थागोन, बावथारनोसै सानना डेमेरिट दिहुन्नो :-

“बियो लोरलिं-लिं । रानथें-थें बिखा गैया, गथ’नो गायखेर बायबाय थानांगोन । गथ’सासे जाब्लानो बेगेंहारा स्राव-स्राव जागोन ।’’

नाथाय बेबो जाया । गोसोयाव फैयोसो-हाबा जाखांब्ला बेदर ना दावदै, गिहि माखन, पनिर, मोजां-मोजां बस्तु जाहोना फुंहोगोन, गथ’नो Cerelac, Horlicks-Stage-I, II, III बायदि बायना दौगोन । दुखु-आरो मेगननि मोदैखौ लाना एखमब्ला बावथारनो सानना डिमेरिट दिहुन बावो । “बिमाया थांजेनब्ला बुंखादोंमोन । बियो रानि, संनो खावनो जेबो रोडा ।

अब्ला बेखौलाय बोरै लानो ? नाथाय मेरिटसो ओंखारबावो । आया संनो खावनो गोरों । जोहा रावबो गैखाया । जोंनाव फैनाय लोगो आया रानिखो संनो खावनो फोरोंगोन, रानिया रोंगोन । रानिया आयखौ अनगोन ।

दिनै आं आयनि सिगाडाव गाबफ्लांदों । “आयै आं बिजनीयाव सासे सिख्जायखौ मोजां मोन्दोंमोन । बिबो गावनो मोजां मोनग्रादोंमोन । खोथाबो होदोंमोन । एम.एसचि फाइनेल जोब्ला जुलि । नाथाय आयै आंहा फाब जादों । नोंसोरनि दाव-दाव आन्नायाव देरबखोनानै बिहामजो नागिरनायनि मोनथायखौ नोंसोरनो गथायैआव । आयै आं रानिखौ मोजां मोनो मोन ।’’

अब्ला आया आंखौ थाब होन्थेदोंमोन ? “मोजां मोन्दों हामदों । बे सुटियाव लाबो दो ।’’ आयनि खोथायाव आं बिखा गावबाय नायसै । आरो आयखौ बुंदोंमोन आं :-

“आयै आं लाबोनो रादाय होखाबायमोन । नाथाय बे सिख्जाया आंनि अख्वाडाव थाहैबाय आयै । बेखायनो आं बिखौ बावनो सानो आयै । नाथाय.....नाथाय.....आयै आं बिखौ मानोबाबावनो हाया । बिनि महर मुप्ति, आखालफ्रा आंनि बिखायाव हाबना थाजोब्बाय । बियो आंखौ गन्थडाव हमना फिदिं लांबाय । थेवबो बिखौ आं बावनो हाथारा खिसै आयै ।

बेनिफ्रायनो आं मा जाखो मिथिस्लाबा खिसै । ओलेंस्रो जानागांलाब गोग्लैना थानायसै । एसे-एसे आन्दाज मोन्दों जानांगौ आया गाबहां गाबहां सासु-मासुजों खर’आव बिलिर-बिलिर आंनि दुखुयाव मोदै गफादों । आफायाबो बोदोरजों मा खालामगोन मा मागोन जाना बोदोरजों थांलाय फैलाय जादोंमोन । नाथाय बेफोर बायदि थैनायजों जुजिनाय आंनि हालोदब्लाबो आंनाव मोनसे मोन्दांथि फैदो जानांगौ- “आंनाव बेफोर बायदि जाथया जिउआव मानो जाखो ? आं बिखौ मानो मोजां मोनामोन ? आं बिखौ मानो बावनो हाया ? बिखौ मा.नो.बख.नो.ह.य.य.2..??..??ह

आखान्थियाव माबाफोर जोखोम नाडोब्ला मोब्लिब बोनाय बायदि मोन्दांथिनायनि मिबथिनो गोनां जाहोन

जोंनि जिउआव ओरैबायदि गोबां जाथाय जायो, जायखौ जों नोजोर होया । बेखौ मोन्दांथियोब्लाबो बेनि बागै गोथोयै नायबजिरनाय जाया । जेरै मेगननि फैसालि मोख्रेबनाय, सियाइनाय आरो आखान्थि-हान्थु जराफोराव सौग्रावोब्ला मोब्लिब नांनाय एबा मिजौनाय बायदि मोन्दाडो । माब्लाबा हरखाबै बिब्दि मोन्दांथिनायाव जों सोमोनांनायबो मोनो आरो माब्लाबा ओरैनो मिनिनोबो ओंखारो । अदेबानि बेबायदि जानायनि जाहोनखौ जोंनि गोबांआनो मिबथिया । खोनानायाव मिनिथाव मोनो, जायनि जाहोना जादों सरासनस्त्रा रावआव सुबुंफोर आखान्थिनि हाराखौ फानी बन्स होन्नाबो बुडो ।



बेनि आन्दोनि जाहोना मा ? जोंनि आखान्थियाव माबोरैबा गोसा नाडोब्ला जों मिजौनाय बायदि मोन्नायनि जाहोनाव उल्नर नार्भ थायो । बे नार्भआ जोंनि हारा एबा स्पाइननिफ्राय ओंखारो आरो दाफोनाजों थानानै थोंजों आसिफोरसिम सौहैयो । आखान्थि जरानि हाराखौ रैखाथि होग्रा बे नार्भजों

जेब्ला बबेबा मुवाया सौदावो अब्ला सुबुड मोब्लिब बोनाय बायदि मोन्दांथियो । दाफोनानिफ्राय आखान्थिसिमनि गेजेराव थानाय हाराखौ हिउमेरास होन्ना बुडो । मख’जाथावदि, हिउमेरास ओंथिया जादों जंखायनाय एबा फानी, बेनि जाहोनाव बेनि मुंआबो फानी बन्स दोन्जादों । बे हारानि

मख’जाथाव बाथ्राया जादोंदि, बेयाव जायखि-जाया मुवाया सोग्रावोब्ला मोब्लिब बोनाय बायदि सेन्सेशन सोमजिखाडो । हारायाव सौदावनानै जों बिब्दि मोन्दाडो होन्ना सानो । नाथाय अल्नर नार्भआव बेनि गोहोमा सौहैयो । बेयाव नांहैयोब्ला निउरन्सआ जोंनि खर’ मेलेमसिम सिगनाल दैथायहरो आरो बेयावनिफ्राय रिएक्शनआ मोनसे कारेन बोनाय बायदि मोन्दाडो । जोंनि देहानि हाराफोर आरो नार्भफोरखौ रैखाथि होनो थाखाय फेर्टनि थोर्फौ थायो आरो फिन बिगुरा बेखौ खोबथेना लायो । सरासनस्त्रायै माबाफोर सौग्रावनायाव बिब्दि मोन्दाड । नाथाय आखान्थि जरायाव आलादा मोन्दांथियो ।□

रैखाथि हान्जाफोरा मनिपुरआव माखासे उतखारिफोरखौ हमदों

इम्फल, 4 सेप्टेम्बर: रैखाथि हान्जाफोरा 3 सेप्टेम्बरआव मनिपुरआव माखासे जाफुंसार हाबाफारिफोरखौ फिन्नाय होयो, जायनि फिथाइ महरै माखासे उतखारिफोरखौ हमो आरो माखासे आइन बेरेखा बेसाद आरो गारिफोरखौ बोखाडो । मावसुमाफोरा नम्बल लौसवाम मणिं लेइकाइनि खंद्राम डेबेन मैतेइ (43) खौ सोनाब इम्फल जिल्लानि पट्सइ पुलिस थानानि सिडाव थानाय गोदान किथेलमांबी पुलिस पिकेट पइन्टनिफ्राय हमो । बिनि सम्पतिनिफ्राय रैखाथि हान्जाफोरा गासै 184.13 कि:ग्रा: गान्जा, आइ बेरेखा बेसाद लांलाय-लाबोलायनि थाखाय बाहायजाग्रा गंसे टाय ट्रक आरो मोनसे सिम कार्डजों लोगोसे गंसे मबाइल फन बोखाडो । सानसेनि गेजेरावनो आलादा-आलादा



नायबिजिरनायाव केसिपि (पिडब्लिउजि) नि सानै एक्टिभ मावसुमाफोरखौ सोनाब इम्फलनि लमसां पुलिस स्टेशननि गेजेरजों लौरंकाबि गामिनिफ्राय हमो । बिसोरखौ युम्नम सुर्चन्द्र (35) एबा सुर आरो हाअरंबम टम्बा मैतेइ (29) महरै

सिनायथिदों । बेराफार्सें पिएलएनि आरोबाव सासे एक्टिभ मावसुमाखौ सान्जा इम्फलनि बासिखनि कंगुजाम नंमैखन्बा मैतेइ (50) मुडै सिनायथिदों । जायखौ बिनि न’ खाथिनिफ्राय हमनाय जायो । बियो बिणुपुर जिल्लायाव सुबुं जायगानि फालांगिरिफोर, स्कुल

आरो कलेजफोरखौ थांखिनानै रां लानाय हाबाफारिआव लोब्बा देफायोमोन । रैखाथि हान्जाफोर बिनिफ्राय मोननै सिमकार्ड थानाय गंसे मबाइल फन आरो गंसे स्कुटर बोखाडो । बेनि गेजेरजों केसिपिनि सानै एक्टिभ मावसुमाफोरखौ गुबुन गुबुन हाबाफारिफोराव हमनाय जायो ।□

सिगारेट-थांखु आरो लाग्जारी कार बायनाया बेसेन गोसा जासिगोन



गोदान दिल्ली, 4 सेप्टेम्बर: जिएसटि परिषदआ माखासे डायेरि दिहुन्थाय आरो आबादारि जोन्थोरफोरजों लोगोसे माखासे दिहुन्थायफोरनि सायाव टेक्सनि हारखौ बाडइ खालामनो थांखि लायो । बेजों फोर्बोफोरनि सिगां आबादारि आरो बाहायगिरिफोरा

रेहाय मोनगोन । सालफिउरिक् एसिड, नाइट्रिक् एसिट आरो एमनियाजों लोगो गाहायै गोथां बेसादिन सायाव जिएसटिआ 18 जौखोन्दोनिखुइ दावख्जायनानै 5 जौखोन्दो खालामनानै होनाय जादों । परिषदआ निमनि सायाव बिथा

खालामग्रा एम्फौ बुथारग्रा मुलिजों लोगोसे गुबुन गुबुन जब बुथारग्रा मुलिफोरनि सायाव जिएसटिखौ 12 जौखोन्दोनिफ्राय दावख्जायनानै 5 जौखोन्दो खालामनानै होदों । मावख’यारि बिबुंथनि बादिब्ला, परिषदआ आल्यू हाइ

टैम्पारेसार (एइएइसटि) आ गाइखेर आरो पनिरनि सायाव जिएसटिखौ 5 जौखोन्दोनिफ्राय दावख्जायनानै 0 खालामनानै होयो । बेराफार्सें लाग्जारि कार बायनायाबो बेसेन गोसा जागोन । कन्डेन्सड गाइखेर, गाइखेर दाखा आरो पनिरनि सायाव जिएसटिखौ 12 जौखोन्दोनिफ्राय दावख्जायनानै 5 जौखोन्दो खालामनानै होयो । गुबुन गुबुन दिहुन्थायफोरनि सायावबो जिएसटिखौ 12 जौखोन्दोनिफ्राय दावख्जायनानै 5 जौखोन्दो खालामना होयो । बेराफार्सें छाना एबा पनिर, जिल्ला ब्रेड, सादी चापाति एबा रटिनि सायाव टेक्सनि हारखौ 5 जौखोन्दोनिफ्राय खमायनानै 0 खालामनानै होदों ।□

(□ 1 बिलाइनिफ्राय)

दुरुं साहा बागानआव पस्टकार्ड हटेल बेखेवदों

फसंथान “पस्टकार्ड” हटेल ग्रुपनि गेजेरजों “दा पस्टकार्ड इन डा दुरुं टी इस्टेट” मुनि गंसे बेसेन गोसा हटेल लुफुंनाय जादों। गिबि मन्थ्रि ङ् शर्माआ दिनै बे हटेलखों आरो बेनि सोरबिथिंखों नायगिदिहैंयो। बेनि उनावनो खौरंगिरिफोरजों मोगा–मोगियाव फोरमायदोंदि, पस्टकार्ड हटेलआ आसामआव साहा दावबायारिफोरनि बिथिङव गिबि सारिनि बिफाव लागोन। हटेलआव हादतनि गोबां गिबि सारिनि सुबुंफोर फैनानै आसामनि साहा बागाननि समायना रमायना नुथाइनि जुथि लाफैदों। आसामनि बायजोनि गोबां सुबुंफोरानो हटेलनि खथाफोरखों आगुयै बुकिं खालामदों। जाहोनाव मोनसे गाहाम रंखान्थिया जाखांबोदों। हटेलआव थाफैनानै गोबां गोदान मोन्दांथि मोनफैनो हागोन होन्ना गिबि मन्थ्रिआ फोरमायदों। दुरुं साहा बागाननि सामलायगिरि आरो पस्टकार्ड हटेल ग्रुपनिसिम बे बिर्थांखिखों गायसन्नायनि थाखाय गिबि मन्थ्रिआ साबायख'र बाउदों। मख'नो गोनांदि, दुरुं साहा बागानआव गायसन्नाय डा पस्टकार्ड हटेल बायदि बिर्थांखिखों आसामनि आलासि दावबायारिफोरनि थाखायल’ नङ, आसामखों मुलुगनि गिबि सारिनि दावबायसालियाव महर होनो थाखाय मोनसे गोनांथार रहा लानायसो। बे रोखोमनि साहा बागाननि दावबायारिफोरनि थाखाय रहा खलामनाया आसामनि साहा बागाननि नोजोर बोथावना समायना, सोमखोर आबहावा आरो साहा बागाननि मुजिर मावग्राफोरनि सरसनस्त्रा जिउ दैदेन्नायखों मुलुगनि सिगाङव दिन्थिफुंनो हागोन। लोगोसे ओन्सोलनि लाइमोनफेरनि थाखाय थिसन्थाइनि खाबु सोरंजनाय, खामानि मावनाय हारुमिनि फेजौखंनाय आरो ओन्सोलनि हारिमुवारि फोसावदिंनायावबो बिहोमा होगोन। बे हाबाफरियाव गिबि मन्थ्रिजों लोगोसे तेजपुर लकसभा बियाबनि एमपि रन्जित दत्त, एमएलए कृष्ण कमल तान्ति, पद्म हाज रिका आरो दुरुंसाहा बागाननि सामलायगिरि मृगेन जालानजों लोगोसे गोबां अन्जिमानि गुनि–गियानि सुबुंफोरानो बाहागो लायो।□

मथनगुरिआव सा 665 बिजेपि दैदेनगिरि

मावफारियाफोरा इउपिपिएलआव हाबदों

आफादगिरि सुरेश सरकार, मथनगुरि ब्लकनि आफादगिरि आलाराम बर’, गाहाइ नेहाथारि शेकर दैमारिआ सामलायनाय मोनसे गेदेर सुबुं गौमायाव बिबुंथि लाखिनानै एमपि जयन्त बसुमतारिआ फोरमायदोंदि, प्रमद बर’ दैदेन्नाय इउपिपिएल दोलोआ आथिखालाव बिटिआरनि मोन 26 हारि–माहारिनि साफ्रोमनिबो गोबोंखौ बिलिरनो हादों। बेनि जाहोनानो जाबाय प्रमद बर’ दैदेन्नाय इउपिपिएलि दोल एबा बिटिआर सरकारआ राइजो–राजाफोरखौ गोथार गोसोजों सिबिदों आरो राइजो–राजाफोरा बिनि सोलायै इउपिपिएलनो अन्नाय मोजां मोन्नायजों बोज'बनायखौ बांहोदों। प्रमद बर'नि दैदेन्नाय इउपिपिएल दोलोआ बिटिआरआव गोजोन, जौगाखांनाय लाबोदों। बिनि उल्थायै हाग्रामा महिलारिनि दैदेन्नाय बिपिएफ सरकारआ थंनाय 17 बोसोरआव मोनफ्रोमबो समआवनो गोजोन गैयै खालामदोंमोन आरो जौगाखांनायनि थाखाय हरनाय रंखों लुथिदोंमोन। प्रमद बर'नि दैदेन्नाय गोजोन आरो जौगालु बिटिआरआव राइजो–राजाफोरा गोजोन गैयै आरो लुथिनायखौ नागिरैनि थाखायनो दिनै प्रमद बर'नि दैदेन्नायाव इउपिपिएलनि मोनसे ओंथि गोनां सरकार दानानै होनो बिटिआरनि राइजो–राजाफोरा साखा–फारा जादों। बेजों लोगोसेनो एमपि जयन्त बसुमतारिआ फोरमायबावदोंदि, प्रमद बर’नि दैदेन्नायावनो बिटिआरआव इउपिपिएलनि सरकार दाफुंजागोना रोखा जाबाय। बिटिआरआवबो हिन्दु बाङलीफोरनि ‘डि’ भयरफोरनि जेंनाया मोनसे गिख्ंथाव जेंनानि महर मोन्दों। इउपिपिएलनिफ्राय हिन्दु बाङलीफोरनि डि भयरनि जेंनाखौ सुस्त्रांनाय बिथिङव जर'खा आयेननि चेल दनाय जादों। बिटिआरआव इउपिपिएल सरकारआ हिन्दु बाङलीफोरनि डि भयर जेंना सुस्त्रांनाय बिथिङव गाहाइ बिफाव लागोन। बे हाबाफारियाव मथनगुरि बियाबनि बिजेपिनि बिजाथि एबा बिटिआरनि मावफुं सोद्रोमा गौतम दासनि बेरेखायै रगा जोंखंनानै इउपिपिएलनि गागि दैदेनगिरि सुरेश सरकारआ गावनि बिबुंथियाव बिटिआरनि मावफुं सोद्रोमा जानानै गौतम दासआ गोबां जाख्त्'नानै राइजो–राजानि जौगाखांनायनि मुङव हरजानाय रंजों सम्पतिनि हाजो सोरजिदों होन्ना गोख्रों अज 'द दैखाङो। मेलआव मथनगुरि बियाबनि इउपिपिएलनि बिजाथि माखन स्वर्गियारि, मिरु इउपिपिएलनि मावफुं सोद्रोमा ङ् भवेस शर्माआबो बिबुंथि लाखिनायजों लोगोसेनो मिरु इउपिपिएलनि मावफुं सोद्रोमा आब्दुल खादेर खान, सालबारि जिल्लानि आफादगिरि बिखन गयारि, गाहाइ नेहाथारि बिनद मसाहारि, इउपिपिएलनि गागि दैदेनगिरि रमनी दैमारिजों लोगोसे गोबां इउपिपिएलनि दैदेनगिरिफोरानो बाहागो लायो। बे मेलआव मासुवा ओन्सोलनि सा 665 बिजेपिनि दैदेनगिरि मावफारियाफोरा बिजेपि दोलोजों लोगोसे मथनगुरि बियाबनि एमसिएलए गौतम दासनि हेंथायै रगा जोंखंनानै इउपिपिएल दोलोआव हाबो। गोदानै दोलोआव हाबफैनायफोरखौ एमपि जयन्त बसुमतारि, बिजाथि माखन स्वर्गियारिजों लोगोसे इउपिपिएलनि दैदेनगिरिफोरा दुंबुदयै बरायो। बेजों लोगोसेनो दिनै इउपिपिएलनि मथनगुरि बियाबआव रमनी दैमारिखौ मासिगिरि आरो सुरेश सरकारखौ गाहाइ हांखायगिरि महरै लानानै बिसायख'थियारि सामलाय आफाद दाफुंनाय जायों। बेजों लोगोसेनो दिनै सालबारिनि सावदरबिथायाव एमपि जयन्त बसुमतारि आरो सालबारि इउपिपिएलनि बिजाथि जय मुसाहारिजों लोगोसे इउपिपिएलनि गोबां दैदेनगिरिफोरनि नुजाथिनायाव बिनद मुसाहारिखों मासिगिरि आरो राजु बसुमतारिखौ गाहाइ हांखायगिरि महरै लानानै सालबारि बियाबनि थागिदायाव बिसायख'थियारि सामलाय आफाद दाफुंनाय जायो। बेजों लोगोसेनो एमपि जयन्त बसुमतारिनि दैदेन्नायाव दिनै मथनगुरि आरो सालबारि बियाबनि गुबुन-गुबुन ओन्सोलफोराव इउपिपिएलनि बिजाथि जानानै बिसायख'थियारि फोसावदिंनाय हाबाफारि सामलायो।□

बिजेपिखौ एंगारनानै बिटिआरआव सरकार दानो हानाय रावहाबो गोहो गैया: रन्जित कुमार दास

सरकार, बेनिखायनो कक्राइारआवबो जौनिनो सरकार जागोन। बोथोरा आथिखालाव गोबां सोलायनाय फैदों। गोदानै बिफां फुलि गायनो थाखाय हाग्रा ओन्सोलफोराव होखारस्त्रांनाय हाबाफारि सामलायदों। बे हाबाफारिखौ गोजौसिन बिजिरसालिनि बिथोन बायदि्यैसो खालामदों। सालबारि बियाबआव हा पाट्टा गोनां धोरोमारि माइन'रिटि सुबुंफोरनि हायाव माब्लाबाबो होखारस्त्रांनाय जानाय नङ। सोरखा होखारस्त्रांनो फैयोब्ला आं सिगाङव गसंथेगोन। सालबारिनि बिजेपिनि बिजाथि चक्रधर दासखौ दिनैनो जों मावफुं सोद्रोमा फोसावखाबाय, सालबारिनिफ्राय चक्रधर दासआनो गिबिसिन मावफुं सोद्रोमा मोन्नो हानाय एमसिएलए जासिगोन। बे बिबुंथिखौ लाखिदों राइज्योनि केबिनेट मन्थ्रि एबा बिटिआर बिसायख'थिनि बिजेपि दोलोनि बाक्सा जिल्लानि इनसार्ज रन्जित कुमार दासआ। मख'नो गोनांदि, बाक्सानि सावदर बिथायाव दिनै बेलासि समआव बिजेपिनि सालबारि मन्डलआ बान्जायनाय मोनसे जर'खा फसंथानारि मेलआव नुजाथिनानै मन्थ्रिआ बेबायदिनो बिबुंथि लाखिदों। कक्लाबारिनि बिजेपि बिजाथि रमेन मदाहीनि सोमोन्दै मन्थ्रिआ फोरमायदोंदि, बिजाथिनि सोमोन्दै दोलोनि मावफारियाफोर आरो राइजो–राजाफोरनि गेजेराव जेबो रोखोमनि बाश्रा दानथेलायनाय जायाखै। बेवहाय आंहा जेबो बुंनांगौ गैया। बेनि अनगायैबो ‘डि’ भयरनि सोमोन्दै दुलाराय बिटिसि बाङली युब सत्र फेङडरेसनआ थाद'नाय गैयै हेंथा सोमावसारनायनि सोमोन्दै बिबुंथि लाखिनानै फोरमायदोंदि, आथिखालाव ‘डि’ भयरनि जेबो बेसेन गैला, गासैबो भारतआरि नोगोरारि। गुबुन फारसेथिं बे फसंथानारि मेलनि गेजेरजों गोबां अन्जिमानि हौवा–हिन्जावफोर बिपिएफ–इउपिपिएल–कंग्रेस नागारनानै बिजेपिआव हाबो। सालबारि बियाबनि बिजेपिनि बिजाथि चक्रधर दासनि जानानै फैगौ बिसायख'थिनि सोमोन्दै दोलोनि मावफारियाफोरजों सावरायलायनायनि थंथिखिजों बान्जायनाय बे मेलआव केबिनेट मन्थ्रि रन्जित कुमार दास, एमएलए पनि तालुकदारनि नुजाथिनायाव गोबां सुबुंफोरानो बिजेपिआव हाबो। सालबारि बिजेपि मन्डलनि नेहाथारि जितु मनि दासआ दैदेन्नाय बे मेलआव बाक्सा जिल्ला बिजेपिनि नेहाथारि निलकमल दास, सालबारि मन्डलनि आफादगिरि पुत्तंकस दास, बाक्सा जिल्ला आइजो गांखनि आफादगिरि कबिता पाठकजों लोगोसे दोलोनि गोबां दैदेनगिरि मावफारियाफोरानो बाहागो लायो।□

आसामाव सानै आगुनि एमएलएफोरा विर्जीपि आरो अगपनिफ्राय विवान एंग्लायारा

हिमन्तजों जेबो जेंना गैया होन्ना बुंदों। आथिखालाव बिथाङ दासिमबो गावनि राजखान्थियारि इयुननि सायाव जेबो थंथिख लायाखै। कलिताआ थंनाय बुधबाखालि मिडियाआव फैनाय खौरांफोराव अगपनि दैदेन्नायनि सायाव बिजेपिनि गोहोम गोग्लैनायनि दाय जाबसिन्दों। बिथाङ बुङे- आं जेब्लाबो बेखौ हेंथा होयो। मानोना बेजों इयुनाव पार्टीनि सायाव गोब्राबै गोहोम गोग्लैगोन।□

(□ 1 बिलाइनिफ्राय)

बिटिसि बिसायख'थि

गनायजाथाव नङ। गुबैयै बिसोरो गाव गावसिनि दोलोनिनो मावफारिया–हेफाजाबगिरिजोंनो गनाय जाया। कंग्रेसआ जेबो थामोनथा गैया। इउपिपिएलनि अनगायै गासैबो दोलोआवनो बागानपाराआव गावजों गाव दावराव–दावसि सोमजिदों। इउपिपिएलनि दख'लाव थानाय बागानपारा बियाबाव थंनाय 5 बोसोराव बियाबनि सिङव थानाय गासै बिथिङव जौगाखांनाय, सरसनस्त्रा सुबुंफोरनि अन्सायनायनि थाखाय फिथाय गोनां बादियैनो बागानपारा बियाबनि गासैबो हारि–हारिसानि राइजो–राजाफोरा इउपिपिएलखोंनो हास्थायदों। बेनि थाखायनो बागानपारा बियाबाव आनि देरहानाया रोखा।' कातिराम बर'आ गावनि बिबुंथियाव बिटिआरआव बांसिन अनजिमाजों मासि देरहानानै प्रमद बर'नि दैदेन्नाय इउपिपिएल दोलोनि सरकार दाजागोना रोखा होन्ना दाबि खालामो। मेलाव इउपिपिएलनि मिरु दैदेनगिरि अन्जन सरकार, सादन बैश्य, मुसलपुर जिल्ला आफादनि गाहाइ नेहाथारि दयाल सरनियाआ बिबुंथि होनानै बागानपारा बियाबाव इउपिपिएलनि बिजाथि कातिराम बर'आ गोबां भटनि फारागथियाव देरहागोन होन्ना दाबि खालामो।□

उदालगुरिनि माखासे बियाबफोराव बिसायख'थिनि

नोजोरगिरिफोनो बिबान गथायबाय

नायबिजिरो। बिथाङ आथिखालाव सरकारि सार्किट हाउसनि ग्राउन्ड फ्लरनि खथा नं. 3 आव सरसनस्त्रा राइजो–राजाफोरनि बाश्रा, दाबि–अजदफोरखौ खोनासंगोन। 37 नं. धनसिरि (जनजाति सैरेखाथिनाय) गौथुमारि बियाबनि सरसनस्त्रा सुबुंफोरा लेङइ नेहाथारि (पन्सायत आरो गामि जौगाखां बिफान) अरुप कुमार शर्माखौ लोगो हमनानै बिसायख'थिनि सोमोन्दै सावरायलायनो हागोन होन्ना उदालगुरि जिल्ला फोरमायथि आरो सबुं फोनांजाब बिबानगिरि बिग्राय बसुमतारिआ फोरमायना होदों। फैगौ बिटिसि बिसायख'थिनि थाखाय 36 नं. हरसिङ (जनजाति सैरेखाथिनाय) गौथुमारि बियाबनि थाखाय बिसायख'थि नोजोरगिरि महरै लेङइ नेहाथारि हरिप्रसाद बरा, एसिएस (मबाइल नं. 9435064391/ इमेइल– bora93025@gmail.com) आ थंनाय 3 सेप्टेम्बर सानखालि उदालगुरियाव बिबान सामलायबाय। बिथाङ हरिसिङ (जनजाति सैरंथिनाय) गौथुमारि बियाबनि थाखाय 4 सेप्टेम्बरआव खुंजानाय नमिनेसन बिलाइ आन्जाद नायनाय खामानियाव बाहागो लादों। बिथाङ सरसनस्त्रा सुबुंफोरनि थाखाय सावरायलायनो उदालगुरि सार्किट हाउसनि सेथि फ्लरनि खथा नं. 7 (बागुम्बा) आव थाफैबाय। गुबुन फारसे 38 नं. भैरबकुन्द’ (जनजाति सैरेखाथिनाय) आरो 39 नं. पासनै सेरफां (जनजाथि नर्डेनि थाखाय सैरेखाथिनाय) बियाबनि थाखाय नोजोरगिरि महरै जुथाय नेहाथारि महाम्मद हानिफ नुरानी, एसिएस (फोनांजाब नं. 9435123922 आरो इमेइल– hnoorani.acs@assam.gov.in) उदालगुरियाव थाफैबाय आरो बिथाङ उदालगुरि जिल्ला जिल्ला बेंगिरि मावखुलियाव फैनानै 4 सेप्टेम्बराव दरनैबो बियाबनि नमिनेसन बिलाइखौ नायबिजिरो। बिथाङ दरनैबो बियाबनि थाखाय राइज्योफोरजों लोगोसे सावरायलायनो उदालगुरि सार्किट हाउसनि फास्ट फ्लरनि खथा नं. 5 (रङली) आव थाफैबाय। बेबादिनो 34 नं. खालिंदुवार (जनजाति सैरेखाथिनाय) आरो 35 नं. मुदैबारि (उदां बियाबनि थाखाय बिसायख'थि नोजोरगिरि महरै जुथाय नेहाथारि भुपेश चन्द्र दास, एसिएस (फोनांजाब नं. 7636007201 एबा इमेइल– bhupeshdas18@gmail.com) '3 सेप्टेम्बरखालि उदालगुरियाव दावबायफैगोन। बिथाङ सरसनस्त्रा राइजो–राजाफोरनि बाश्रा, दाबि–अजदखौ खोनासंनो उदालगुरि सरकारि सार्किट हाउसनि ग्राउन्ड फ्लरनि खथा नं. 4 (धनसिरि) आव बाहागो लाफैगोन। बिटिसि बिसायख'थि–2025 आव नोजोरगिरि आरो प्रटकल चेलखौ सोमोन्दो गोनां बिबान मोन्नाय बिबानगिरिया गांसे रादाब बिबुंसाराव फोरमायहरदों।□

1077 नं बामुनकुरा गुदि फरायसालिआ शिक्षा सेतु पर्टैलआव राइज्योनि मोन 10 जिल्लानि गेजेरावनो थामथि मासि आवग्रिदों

लानानै ओन्सोल नाङेनो गोग्गानाय थासारि सोमजिदों। मख'नो गोनांदि, 1077 नं बामुनकुरा गुदि फरायसालिआव गासै सा 13 फरायसा–फरायसुलिफोर दं। फरायसालिनि गाहाइ फोरोंगिरिजो ग्रिसा बसुमतारिआ खोंरं बिजोंनि सिगाङव फोरमायनाय बायदिब्ला, गुबुन–गुबुन फोरोंगिरिफोरा जैरेबायदि सानफ्रामबो फरायसालियाव फैनानै शिक्षा सेतु पर्टैलनि गेजेरजों फरायसालिआव नुजाथिनायनि रेकर्ड लाखियो, बेबायदिनो गावबो सानफ्रामबो मावनांगौ बिबान महरै फरायसाफोरनि नुजाथिनायनि रेकर्डखौ शिक्षा सेतु पर्टैलनि गेजेरजों खालामबाय थायो। फरायसालिआव सानफ्रोमबो फैनानै शिक्षा सेतु पर्टैलआव बेबायदि नुजाथिनायनि रेकर्डखौ लाखिनायावबो राइज्यो नाङेनो बेबायदि मोनसे जर'खा नोजोर बोनाय थासारि सोमजिगोन होन्ना सानाखैमोन। गावनि मावनांगौ बिबान महरैल’ फरायसालिआव गाहामै गाहाम सोलोंथाइ होनायजों लोगोसे मावनांगौ हाबाफारि बिबानखौ सामलायबाय थादों। दिनैनि बे हरखाब राइज्यो नाङेनो मोन 10 जिल्लानि गेजेरावनो थामथि मासि आवग्रिनो हानायखो नुनानै गोसोआव गोजोन्नायबो मोन्दों आरो बिबान सामलायलॉनो गोग्गानाय मोन्दों होन्ना फोरमायनानै गाहाइ फोरोंगिरिजोआ बे हाबाफारियाव थुलुंगा होनायनि थाखाय बिन्य्काता क्लास्तारनि सिआरसिसि सहेन ब्रह्म, कचुगाव सोलोंथाइ खोन्दोनि बिइइअ’ पबित्र हाज'वारि आरो गावनि फरायसा–फरायसुलिफोरनि दिथागिरिफोरजों लोगोसे फोरोंगिरि लोगोनिसिमबो साबायख'र बाउहरो। मख'नो गोनांदि, 1077 नं बामुनकुरा गुदि फरायसालिआ थंनाय 3 बोसोरनिफ्रायनो गुन उत्सवआवबो ए+ ग्रेड मोन्नो हनानै ओन्सोलनि गेजेरावनो बयनिखुङबो साबसिन सोलोंथाइ सामलायलॉनो हानाय फरायसालि महरै बात्था मोन्नो हादों □

सोलोंथाइ राहाखौ समायना खालामनायनि थाखाय आसाम सरकारआ थाद'नाय गैयै नाजागासिनो दं: गिबि मन्थ्रि

मावफारियाफोरनि जामुं नयुं, रामगिरिनि खथा, कन्यारेन्स खथा, आलासि नब्लां, नेग्रा खथा, गुदि फाहामथाइ खथाफोर थागोन। बेजों लोगोसेनो मोनसे गाहामै साजायनाय खुंथाइआरि ब्लक, मोनसे थंथिख गोबां फोरेंथाइ नयुं आरो खामानि दामानि सामलायनायनि थाखाय मोनसे बाहायसालि आरो रैखाथि ब्लक थागोन। बेजों लोब्बा लाखिनानै खुंनाय मोनसे गेवलां मेलआव बिबुंथि लाखिनानै गिबि मन्थ्रिआ फोरमायदोंदि, राइज्यो सरकारआ फरायसालिफोराव सानसुनि जामुं बिर्थांखि मावफुंनायनि उनाव दुखुथिया नख'रनि फरायसा–फरायसुलिफोरा थोजासे मुलाम्फा जादों। सरकारआ सानसुनि जामुंजों लोगोसे फरायसालिफोराव बेसेन नाङै इडनिफर्म, बेसेन नाङै मुं थिसन्नाय बिर्थांखि बायदि मावफुंनायनि जाहोनाव आसामआव सोलोंथाइनि मोनसे समायना थासारि सोमजिखांदों। जर'खायै साहा बागान ओन्सोलफोराव राइज्यो सरकारआ बेखेवनाय आदर्श फरायसालिफोरा राइज्यो एबा दिथागिरिफोरनि नोजोरखौ बोनो हादों आरो बोसोर्फ्रोमबो साहा बागान ओन्सोलनि फरायसालिफोराव मुं थिसन्नाया बांगासिनो दं। गावनि बिबुंथियाव फोरमायबावदोंदि, 2009 माइथायआव सोलोंथाइ मन्थ्रि महरै बिबान सामलायनाय समआव बेंगालुरुआव थंनानै माखासे लोगोफोरनि खावलायनायाव इस्कन मन्दिरआव हाबहैनायाव बेवहाय थानाय संग्रा सालिआव जामुं साखा–फारा खालामनाय नोजोर आरो जामुं जगायनाय राहाखौ नुनानै सोमोनांदोंमोन आरो उनाव झालुकबारि बियाबआव मोनसे राइज्योआरि मिरु संग्रा सालि लुफुंनो थाखाय अक्षय पात्र फाउन्डेसनजों सावरायनानै बेनि हाबाफारिखौ जगायजेन्दोंमोन। थंनाय 10–12 बोसोरनिफ्रायनो झालुकबारि बियाबआव बेनि हाबा–हुखाफोरा सोलिगासिनो दं आरो दिनै 45 रोजा फरायसा–फरायसुलिफोरनो आमिनगावनि बे संग्रासालिनिफ्राय जामुं जगायनानै होगासिनो दं। बेजों लोगोसेनो देहा फाहामसालिफोरावबो बे संग्रासालिनिफ्रायनो जामुं जगायनानै होगासिनो दं। गिबि मन्थ्रि महरै बिबान सामलायनायनि उनावनो जरहातआव बेबायदि संग्रासालि मोनसे न’ लुनाय जादों आरो बे संग्रासालिआ आथिखालाव 20 रोजा फरायसा–फरायसुलिफोरनो सानसुनि जामुं जगायनानै होनो हादों। बे बोसोरनि जोबनाय फारसे माजुलिआवबो बे रोखोमनि संग्रासालि न’ लुफुंनायनि खामानिया आबुं जागोन। थंनाय 7 जुनआव नलबारिआव, 15 जुनआव डिब्रुगङआव आरो 16 जुनआव लक्षीमपुरआव राइज्योआरि संग्रा न'खौ लुफुंनाय खामानिया जागायजेन्दों। गिबि मन्थ्रिआ फोरमायबावदोंदि, सनितपुर जिल्लानि तेजपुर, रङपारा आरो बरसला बियाबनि माखासे ओन्सोलखौ लाफानानै रङपाराआव बे राइज्योआरि मिरु संग्रासालि न’ लुफुंनायनि खामानिखौ आखायाव लानाय जादों। बे संग्रा न'खौ लुफुंनो थाखाय 25 कौटि रं सरकारआ खर्सा खालामगोन आरो हरे कृष्ण मुभमेन्टआ गावसिनिफ्राय मोनसे मन्दिर लुनायनि खामानिखौ आखायाव लागोन। सानसुनि जामुनि थाखाय 60 जौखोन्दो फान्ङखौ सरकारआ आरो 40 जौखोन्दो फान्ङखौ अक्षय पात्र फाउन्डेसनआ खर्सा खालामगोन। बे राइज्योआरि मिरु संग्रा न'निफ्राय सनितपुर जिल्लानि रङपारा, तेजपुर आरो बरसला बियाबनि गोबां ओन्सोलफोरखौ लाफानानै गासै 25 रोजा हौवासा–हिन्जावसाफोरनो सावसिञ्जों खाबजानाय, गुन गोनां आरो गोग्गो सानसुनि जामुं होनो हानाय जागोन होन्ना फोरमायदों। जायनि जाहोनाव जर'खायै साहा बागान ओन्सोलनि फरायसा–फरायसुलिफोरा मुलाम्फा जागोन। गिबि मन्थ्रिआ फोरमायबावदोंदि, साहा बागान ओन्सोलनि फरायसा–फरायसुलिफोरनो फुनि जामुं जगायनायनि थाखायबो मोनसे गोबां सानआरि सान्नाय–हनाया सोलिगासिनो दं होन्ना फोरमायदों। साहा बागान ओन्सोलनि दिथागिरिफोरा फुनि समआव साहा बिलाइ खानो थंनायनि जाहोनाव फुनि जामुं जगायनानै हौयोब्ला, फरायसा–फरायसुलिफोरा फरायनायनि मोनसे आरजाथाव आबहावा मोनगोन आरो बेबायदिनो बे राहाखौ आसामनि गुबुन–गुबुन बियाबफोरावबो लांनो हानाय जागोन। राइज्योनि सोलोंथाइ राहाखौ समायना खालामनायनि थाखाय आसाम सरकारआ थाद'नाय गैयै नाजागासिनो दं। सरकारआ साहा बागानफोराव आदर्श फरायसालि, गुन उत्सव, 9 थाखोनि फरायसा–फरायसुलिफोरनो साइकेल होनाय, गोजौसिन गेजेरारि, डिग्रि आरो मास्टार डिग्रि थाखोआव मुं थिसन्नायखौ बेसेन नाङै खालामनाय आरो आथिखालाव हिन्जावसाफोरनि थाखाय निजुत मिन्ना बिर्थांखिखौ सरकारआ जागायजेन्दों। बेनि जाहोनाव दुखुथिया नख'रफोरा गावसोरनि फिसाफोरखौ फोरोंनो थाखाय बांद्राय सिन्था खालामनो गोनांथि गैला। बेनि अनगायैबो 11 थाखोआव फरायसुलिफोरा हाबनाय लोगो–लोगोनो दानफ्रोमबो 1 रोजा राङै राइज्यो सरकारआ होगोन। जाहाथे फरायसालिसिम थंलाय फैलाय, बिजाब, लिरथुमबिलाइ आरो जामुं जानायनि थाखाय खर्सा खालामनो हायो। बेबायदिनो साहा बागान ओन्सोलनि 11 आरो 12 थाखोनि फरायसुलिफोरखौबो बे बिर्थांखियाव फोनांजाबनाय जागोन। डिग्रिआव हाबनाय लोगो–लोगोनो दानफ्रोमबो 1250 राङै आरो मास्टार डिग्रिआव हाबनाय लोगो–लोगोनो दानफ्रोमबो 2500 राङै राइज्यो सरकारआ गथायगोन। बेनि जाहोनाव बे खेबनि फरायसालिमाफोराव रावबो हिन्जावसाफोरानो ड्रप आउट जायाखै। साफ्रोमबो फरायसुलिफोरानो सेथि बोसोरनिफ्राय नैथि बोसोरआव मुं थिसन्दों। बेयो आसामनि थाखाय जोबोद गाहाम लैखोन। गिबि मन्थ्रिआ फोरमायबावदोंदि, फैगौ नभेम्बरनिफ्राय मोनसे गोदान बिर्थांखि जागायजेनगोन। बे बिर्थांखिनि सिङव गोजौसिन फरायसालिनि आन्जाद होनो गोनां फरायसा–फरायसुलिफोरनो बे आन्जाद जाजासिमआव दानफ्रोमबो 300 राङै राइज्यो सरकारआ गथायगोन। गोजौसिन फरायसालिनि आन्जादआव बाहागो लानो गोनां आसामनि 5 लाख आन्जाद होगिरिफोरा जाहाथे बिजाब एबा पुस्ति गोनां जामुं एबा गिलासे गाइखेर लांनो हायो बेनि थाखाय बे फान्ङखौ लानाय जादों। बेनि जाहोनाव फरायसा–फरायसुलिफोरा सोलोंथाइनि फारसे गोसो होगोन। गावनि बिबुंथियाव गिबि मन्थ्रिआ फैगौ 17 सेप्टेम्बरआव अरुनदय बिर्थांखिजों गेस सिलेन्डार बायनो थाखाय 250 राङै गथायनाय, 1 नभेम्बरआव रेसन कार्डआव माइरंजों लोगोसे संखि, सिनि आरो दालिफोरखौ खम बेसेनआव मोनहोनानै राइज्योनि दुखुथिया नख'रफोरनि थाखाय राइज्यो सरकारआ नाजावनाय गुबुन–गुबुन बिर्थांखिनि सोमोन्दै फोरमायथिदों। दिनैनि बे हाबाफारियाव एमपि रन्जित दत्त, एमएलए कृष्ण कमल तान्ति, गनेश लिम्बु, हरे कृष्ण मुभमेन्ट, गुवाहाटी एबा अक्षय पात्र फाउन्डेसन् (सा–सान्जा) नि मासिगिरि जनार्धना दासा, एमटूननि गोरगुं स्ति बरन् शर्मा, जिल्ला बेंगिरि आनान्द कुमार दास, पिडब्लिउडि बिफाननि बिबानगिरि चन्दन् शर्माजों लोगोसे गोबां गोजौ थाखोनि बिबानगिरि आरो गुनि–गियानि सुबुंफोरानो बाहागो लायो।□

रन्जन दैमारिजों लोगोसे जोबथेसालियाव थानांनाय गासैबो दैदेनगिरिफोरानो उदां अख्त्रांनि सिङव फैनायनि लामायाव: प्रमद बर’

बर’आ गावनि बिबुंथियाव बेबायदिनो फोरमायदों। हारसिङेनो गोबां मासि आवग्रिनानै इउपिपिएल दोलोआनो फिन खेबसेबाव बिटिआरखौ दख'ल खालामगोना रोखा जाखाबाय। बिटिसिनि गासै मोन 34 मासिआव इउपिपिएल दोलोनि गोहोमआ जोबोद गाहाम होन्ना फोरमायनानै गाहाइ मावफुं सोद्रोमाया फोरमायदोंदि, थंनाय 5 बोसोरआव इउपिपिएल सरकारआ अरायथा गोजोन गायसन्नायाव जाफुंसारनो हादों। जायखौ हाग्रामा महिलारिआ 17 बोसोरआव खालामनो हायाखैमोन। उदालगुरि जिल्लानि मोन 10 बियाबनि मोनफ्रोमबो बियाबआवनो इउपिपिएल दोलोआ देरहानो हागोन होन्ना दाबि दैखंनानै प्रमद बर’आ फोरमायदोंदि, हाग्रामा महिलारिआ आथिखालाव जेबो भिजन गैया। जायनि थाखाय फोसावदिं मेलफोराव मिनिथाव खोथा–बाश्रा बुंनानै राइजो–राजाफोरखौ गोसो गेलेमहोनो नाजाबायदों। हाग्रामा महिलारिनि आखायाव आथिखालाव जादुनि लावथिआ गैला। बेनिखायनो हाग्रामा महिलारिखौ गिनांगौनि जेबो जाहोन गैया होन्ना प्रमद बर’आ फोरमायबावदों। रन्जन दैमारिजों लोगोसे दिनैसिमबो जोबथेसालियाव थानांनाय माखासे एनडिएफबि दैदेनगिरि सोद्रोमाफोराबो थाबैनो उदां अख्त्रांनि सिङव फैसिगोन होन्ना फोरमायथिनानै बिटिआरनि गाहाइ मावफुं सोद्रोमाया बे बिर्थिखौ लानानै मिरुनि नख'र बिफानजों सावरायनाय जादों होन्ना फोरमायनानै नख'र बिफाना बे बिर्थिखौ जर'खायै लादों आरो थाबैनो बर’ माहारिया मिर्जिंथिनाय बायदि दाजाबथाय मिर्जिखौ मोनफुंनो हागोन होन्ना फोरमायो। मख'नो गोनांदि, बिटिआरनि गाहाइ मावफुं सोद्रोमा प्रमद बर’आ दिनै हाग्रामा महिलारिखौ गोख्रों रावजों सोंखारिदों।□

माहाम देहानि राहा

हाबा जाखांनाय हौवाफोरा किसमिस जायोब्ला गोबां मुलाम्फा मोनगोन

किसमिसआ देहानि थाखाय गोबां मुलाम्फा होयो। बेखौ नेमखान्थि बायदियै जानायजों माखासे बेमारफोरनिफ्राय रैखा मोन्नो हागौ। बेयो गोहोखौ बारायहोनायजों लोगोसे इमिउनिटिखौबो स्ट्र खालामो। बेयाव गोबां बिबांनि आयरन मोन्नाय जायो। बेनिखायनो बेखौ फुडव उदै खालियाव जायोब्ला देहायाव थैन बिबाड बडो। बेनि अनगायै बेयाव भिटामिन बि कमप्लेक्सखौबो गोबां बिबांनि मोन्नाय जायो, जायजों थैन थानाय फैलाय खालामनायाबो गाहामै थायो। किसमिसआ प्रटिन, फाइबर, आयरन, पटैसियाम, कपार भिटामिन बि 6 आरो मेगनिजजों लोगोसे माखासे गोनां जानाय देरहोग्रा लावहोग्रा गुनफोर थायो। मुंदांखा आयुर्बेदिक डा: अबरार मुल्तानीनि बायदिब्ला किसमिसआ माखासे बेमारफोरखौ जानगरखालामो। बेनिखायनो बे'गे'फोरा लोरबांब्ला किसमिस जानांगौ बिनि अनगायैबो हौवाफोरनि देहानि थाखाय बेयो मुलि महरै फोरमान जायो। किसमिसखौ सोमनानै जानायजों बांसिन



मुलाम्फा मोनो, मानोनो बेखौ सोमनानै जानायजों बेनि सिडव थानाय गुनफोर साबसिन जायो।

(1) जुदि खि गोरा खिनाय एसिडिटी आरो मेंनायनि जेंना जादोंब्ला, किसमिसआ गोबां मुलाम्फा होनो हागौ।

(2) बेयाव भिटामिन बि कमप्लेक्स मोनाय जायो, जायजों उदैयाव थैन आंखाल जाया।

(3) जुदि लोरबां आरो रनथं देहाजों भुगिनांदोंब्ला डाइटआव किसमिसखौ लाफानो हागोन। मानोना किसमिसआव फ्रुक्टजों बुंफबनाय जायो, जाय देहानि लिस्थाय बाराय होनायाव मदत खालामनो हागौ।

(4) किसमिस जानायजों ब्लाड प्रेसरआ कन्ट्रलाव थायो। मानोना बेयाव थोंजासे बिबांनि पटैसियाम मोन्नाय जायो, जाय हाइपारटेन्सननिफ्राय रैखा खालामनायाव मदत खालामनो हागौ।

(5) किसमिसआव एन्टि-अक्सिडेन्ससआ गाहाम बिबांनि थायो, जाय इमिउनिटिखौ गोखों खालामनायाव मदत खालामो। बिनिखायनो सानफ्रोमबो सोमनाय किसमिस जानाय देहानि थाखाय मुलाम्फा गोनां जायो।

सैयारा सावथुना अटिटिआव रिलिज जासिगोन

सैयारा सावथुना रिलिज जानाय लोगो लोगोनो बक्स अफिसआव दोहौ सोमजि होदोंमोन आरो 600 कौटि रं आरजिदों। सावथुनखौ नायगिरिफोराबो सिनेमाहलफोराव गाबजोबदोंमोन। थिएटर्सनिफ्राय गाबनानै ओंखारनाय गोबां मोजां मोनलायग्राफोरनि भिडिअआ भाइरेल जादों आरो सुबुंफोरा सावथुनखौ जोबोद मोजां मोन्दोंमोन। अदेबानि आथिखालाव बे सावथुना अटिटिआव बे दानावनो रिलिज



जासिगोन। महित सुरि दिहुनाय समान्टिक ड्रामा 'सैयारा' सावथुन, जेराव गोदान महरगिरि

अहान पान्डे आरो अनित पड्डुआ गाहाइ फावआव दड। गमामायैनो अटिटिआव रिलिज

जाबाय। यशराज फिल्मसनि कास्टिं बिथोनगिरि शानु शर्मानि अक्ट'खौ फोसावनायनि उनाव अटिटिआव बेनि रिलिजखौ लानानै गासै हमदांनायफोरा जोबना थांबाय। शानु शर्माआ मोनसे इनस्टाग्राम स्टिरियाव मोनसे पस्टखौ रि शोयार खालामदों, जेराव सावथुननि

पस्टारखौ दिन्थिनाय जादोंमोन आरो लोगोसे केप्सनाव लिर्दोंमोनदि, 12 सेप्टेम्बरनिफ्राय स्ट्रिमिं नेटफिल्क्सआव। 18 जुलाइखालि सिनेमाहलफोराव रिलिज जानाय सैयारा सावथुना बक्स अफिसआव मोजाडै दिन्थिफुंदों। इन्डास्ट्रि ट्रेकार सेकनिल्क अनजिमानि बायदिब्ला, सावथुना ब्रैथि समबाराव गासै 1.35 कौटि रं आरजिदों, जायजों 25 सानाव बेनि नख'रारि रं आरजिनाया गासै 319.85 कौटि रं जाबाय। मुलुगनां थाखोआव बेयो 531 कौटि रं आरो गुबुन हादत बाजारफोरनिफ्राय 148.5 कौटि रंआबो दंफायो। लोगोसेनो माखासे अनजिमाया दासिमबो बे डाटानिफ्राय गोमानानै दड। सावथुननि वर्ल्डवाइड कालेक्सनखौ 600 कौटि रं होन्ना मिबथि होदों।

पार्क चान-वुकनि 'न आदार चइस' सावथुनखौ अस्कार बान्था मोनगिरि महरै सायख'दों

खोला करियाआ पार्क चान-वुकनि गोदान सावथुन 'न आदार चइस' खौ 98 थि अकाडेमि बान्थाफोराव साबसिन हारिमायारि फिचरनि थाखाय गावसिनि मावख'आरि दिन्थिफुंनयनि महराव सायख'नाय जादों। बे थिरांथाया बाख्याय जाथाव बिथोनगिरिनि थाखाय आरोबाव मोनसे अस्कार बादायलायनायखौ गायसनो, जाय अल्डबय, दा हेन्डमेडेन आरो डिंसिजन टु लिभ' नि उनाव दड, जायनि उननि थाखोआव सावरायनाय जादोंमोन। डनाल्ड इ वेस्टलेकनि सलमा 'दा एक्स'




निफ्राय बोजबना लानाय बे डार्क कमिडि भेनिस फिल्मआ महाउत्सवआव प्रिमियार जादोंमोन, जेराव बेयो गल्डेन लायननि थाखाय बादाय

लायगासिनो दड। पार्कआ 10 बोसोरनि उनाव भेनिसआव फैफिन्दों, जेराव बिथांखौ गाहाइ फावखुंगुर ली युं-हुनजों लोगोसे 6 मिनितसो

गसंनानै आखाय खजबनानै मान हाजादों, जाय मुलुगनां नायगिरिफोरनि थाखाय स्कवाड गेमनि थाखाय बयनिखुइबो बांसिन मिबथि

रनभिर सिंहनि 'डन 3' सावथुनआव शाहरुख खान आरो अमिताभ बच्चनआबो नुजाथिनो हागौ

बे समाव रनभिर सिंहआ मोनसे गिदिर साननि सायाव खामानि मावगासिनो दं, जायनि मुड 'धन्धर'। नाथाय बिथानि आखायाव आरोबाव मोन्नै गिदिर सावथुनफोर दं, जायनि सायाव बे सावथुना सेट जानो हायाखै। मिबथिनो मोनोदि, फरहान अख्तरनि सावथुना रिलिज जानायनि उनाव बिथाड रनभिर सिंहजों थागोन। बबेखानि सानैजों जयै फैगौ-फिक्चार एबा 'डन 3' सावथुननि सायाव खामानि मावगोन। नाथाय सावथुनखौ लानानै लान्थ्रियै फैबाय थानाय



आपडेटआ अन्साइगिरिफोरखौ गोजोन होदों आरो माखासे जिंगाबो सिहोदों। फरहान अख्तरआ गोबाव सम सिगांनो

'डन 3' सावथुनखौ फोसाव खांबाय। नाथाय मानिबा जाहोनाव बेयो दासिमबो नुजाथिनो हायाखै। मेकारफोरा

शहनास गिलनि 'इक कुडि' सावथुननि रिलिज अक्ट'खौ मेकारफोरा फावसयनो थांखि लादों



शहनास गिलनि पान्जाबि सशेल ड्रामा सावथुन 'इक कुडि' नि मेकारफोरा पान्जाबआव दै बाना जाबाय थानायखौ नोजोर होनानै बेनि रिलिजखौ पस्टपन खालामनो

एबा फावसायहोनायनि थांखि लादों। बे सावथुना गिबियाव 19 सेप्टेम्बरखालि सिनेमा हलफोराव रिलिज जानो गोनांमोन, दा 31 अक्टबरखालि रिलिज जासिगोन। सशेल

मिडियाआव बे खौरांखो शेयार खालामनानै मेकारफोरा लिर्दों, इक कुडिनि गासै टीमआ सावथुननि रिलिज अक्ट'खौ 31 अक्टबर 2025 सिम फावसायनायनि थांखि लादों। पान्जाबनि माखासे ओन्सोलफोराव गिखंथाव दै बानानि थासारिखौ नोजोर होनानै, जों सानोदि, बे जेंना गोनां समाव जॉनि सुबुंफोरजों लोगोसे गसंना थाफानाया जॉनि बिबान। बिसरो बुंबावोदि, 'इक कुडि' नि हान्जाया आलादा-आलादा सरकारि नडै आफादफोरनि सोमोन्दोआव दं आरो बे गोब्राब समाव पान्जाबखौ हेफाजाब होनो थाखाय नाजागासिनो दं। अमरजित सिंह सरनि बिथोन होनायाव बानाय जानाय 'इक कुडि' सावथुनाव निर्मल ऋषि, हर्बि सन्धा आरो उदयबिर सन्धुआबो गाहाय फावफोराव दं। बे प्रजेक्टखौ शहनाज गिलआ गावनि प्रडाक्सननि बेनारआव बानायनानै गावनि दावबायनायखौ जागायगोनबो। बेनि सिगां एमि विर्क आरो सनम बाजवानि मच अवेटेड सिक्वेल निक्का जेलदार 4 नि मेकारफोराबो पान्जाबआव दै बाना जानायनि जाहोनाव गावसिनि रिलिज अक्ट'खौ फावसाय होदोंमोन। प्रडाक्सन हाउस व्हाइट हिल स्टुडियजआ गावसिनि इन्सटाग्राम हेन्डेलआव मोनसे पस्ट शेयार खालामनानै मिबथि होदोंदि, निक्का जेलदार 4 नि रिलिजखौ 2 अक्टबरसिमनि थाखाय फावसायनाय जादों।

गोदान रिपर्टनिफ्राय मिबथिनो मोनोदि, रनभिर सिंहनि 'डन 3' आव शाहरुख खान आरो अमिताभ बच्चनआ थाफानो हागौ, जाय सिगाडवबो डन जानानै गिदिर पर्दाआव नुजाथिखांबाय। लोगोसेनो सुबुंफोरनि गोसोखौबो देरहानो हादोंमोन। अदेबानि बिसोर सानैखौ सावथुननि थाखाय खावलायनायनि खौरां मोन्दों। मिबथि मोन्नाय बायदिब्ला, आथिखालाव फावखौ लानानै सावराय लायगासिनो दं। नाथाय मेकारफोरा अफिसियल जेबो एनाउन्समेन्ट खालामाखै। नाथाय गासिबो मेकारफोर सान्नाय बायदि जाजोबो अब्ला बेवहाय गिबि खेब रनभिर सिंह, शाहरुख खान आरो अमिताभ बच्चनआ जयै नुजाथिगोन।

शिल्पा शेड्ढिआ गावनि रेस्टुरेन्ट बन्द' जानायनि सायाव बिबुंथि होदों



शिल्पा शेड्ढिआ सावथुननि पर्दाआव 2-3 बोसोराव खनसेल' फैयोब्लाबो, नाथाय समाजयारि बिजोंआव बिथाड सानफ्रोमबो नुजाथियो। 60 कौटि रंनि फ्रड केसनि उनाव दा बावैसो सिगां खौरां फैदोंमोनदि, शिल्पा शेड्ढिआ मोनसेबाव गिदिर ख'हा जादों, जायनि जाहोनाव बिथाड गावनि रेस्टुरेन्टखौ बन्द' खालामनो गोनां जादों। बेनिखायनो शिल्पा शेड्ढिनि फारसे सानग्रा सुबुंफोरा बिथानो लान्थ्रियै फन खालामबाय थादों आरो खौरांखौ रोखा खालामनो नाजागासिनो दं। दा बेनि सायाव 'धडुकन' सावथुननि फावखुंग्रिया बिबुंथि होदों आरो मिबथि होयोदि, गाव गावसिनि रेस्टुरेन्टखौ थाैरनो बन्द' खालामगोन ना खालामा। शिल्पा शेड्ढिआ खालि सासे मोजां फावखुंग्रिल' नड, बिथाड सासे मोजां बिजनेस चुमेनबो। बिथाड मुम्बाइनि बान्द्रा ओन्सोलाव बास्टियन हटेल दं, जाय बेवहायनि मुंदांखा रेस्टुरेन्टफोरनि मादाव मोनसे गेदेर गेदेर सेलिब्रिटिजनिफ्राय लानानै भिआइपि सुबुंफोरनि होंगो-दोंगो जानायखौ जेब्लायबो नुनो मोनो। नाथाय थानाय माखासे समनिफ्राय खौरां मोन्दोंमोनदि, 60 कौटि रंनि फ्रड केसआव गोल्डैनाय शिल्पा शेड्ढिनि बे रेस्टुरेन्टआ बन्द' जासिगोन। बे गासै खौरांनि सायाव शिल्पा शेड्ढिआ गावनि मोन्थाइ गोनां इन्सटाग्राम एकाउन्टआव मोनसे भिडिअ शेयार खालामदों, जेराव बिथाड फनआव बाथ्रा सावरयनानै बुडो, आं बास्टियनखौ बन्द' खालामनो नायगिराखै, आं खोथा होयो लोगोफोर खेब 4 रोजा 450 कल फैदों, नाथाय मोनसे बाथ्राया दं, बास्टियननि थाखाय बे बायदि मोजां मोन्नायखौ आं मोन्दांथिनो हायो, नाथाय बे मोजां मोन्नायखौ टक्सिक बानायनो नाड। आं सैथो खोथा बुडोदि, बास्टियनआ जेरावबो थानाय नड। आं माखासे गोदान आरो समायनासो खालामनो नागिरदों। मिबथि होनाय जायोदि, शिल्पा शेड्ढिआ बे रेस्टुरेन्टखौ 2016 आव जागायदोंमोन, जाय नायै नायैनो दा मुम्बाइनि साबसिन रेस्टुरेन्टफोरनि मादाव मोनसे जादों।



अक्षय कुमार आरो अरशद वारसिनि फैनो गोनां सावथुन 'जलि एलएलबि 3' खौ रेहाय होनानै इलाहाबाद गोजौ बिजिरसालिया बुधवारखालि सावथुननि मेथाइ 'भाइ उकिल है' नि हेंथायै नायबिजिरनानै आरो न्याय बिफानखौ बदनाम खालामनायनि दायआव सावथुनखौ रिलिजनि सायाव होबथानायनि आर'जलाइ

दाबिनायखौ नेवसिगारनाय जायो। बिजिरगिरि संगिता चन्द्रा आरो बिजिरगिरि बृज राज सिंहनि बेन्सआ बुडोदि, बिथांमोनहा मेथाइनि बुंनाय सोदोबफोर, सावथुननि ट्रेलार आरो टिजारआव जेबो अजद होथावना नुनो मोनाखै। बिजिरसालिया बुडो, जों बिबि जेबो अजद होथावना जेंना नुनो मोनाखै। जों भाइ उकिल है मेथाइखौबो बिजिरदों आरो जों

अहान पान्डे आरो अनित पड्डुआ गाहाइ फावआव दड। गमामायैनो अटिटिआव रिलिज जासिगोन। महित सुरि दिहुनाय समान्टिक ड्रामा 'सैयारा' सावथुन, जेराव गोदान महरगिरि

जाबाय। यशराज फिल्मसनि कास्टिं बिथोनगिरि शानु शर्मानि अक्ट'खौ फोसावनायनि उनाव अटिटिआव बेनि रिलिजखौ लानानै गासै हमदांनायफोरा जोबना थांबाय। शानु शर्माआ मोनसे इनस्टाग्राम स्टिरियाव मोनसे पस्टखौ रि शोयार खालामदों, जेराव सावथुननि

पस्टारखौ दिन्थिनाय जादोंमोन आरो लोगोसे केप्सनाव लिर्दोंमोनदि, 12 सेप्टेम्बरनिफ्राय स्ट्रिमिं नेटफिल्क्सआव। 18 जुलाइखालि सिनेमाहलफोराव रिलिज जानाय सैयारा सावथुना बक्स अफिसआव मोजाडै दिन्थिफुंदों। इन्डास्ट्रि ट्रेकार सेकनिल्क अनजिमानि बायदिब्ला, सावथुना ब्रैथि समबाराव गासै 1.35 कौटि रं आरजिदों, जायजों 25 सानाव बेनि नख'रारि रं आरजिनाया गासै 319.85 कौटि रं जाबाय। मुलुगनां थाखोआव बेयो 531 कौटि रं आरो गुबुन हादत बाजारफोरनिफ्राय 148.5 कौटि रंआबो दंफायो। लोगोसेनो माखासे अनजिमाया दासिमबो बे डाटानिफ्राय गोमानानै दड। सावथुननि वर्ल्डवाइड कालेक्सनखौ 600 कौटि रं होन्ना मिबथि होदों।

पार्क चान-वुकनि 'न आदार चइस' सावथुनखौ अस्कार बान्था मोनगिरि महरै सायख'दों खोला करियाआ पार्क चान-वुकनि गोदान सावथुन 'न आदार चइस' खौ 98 थि अकाडेमि बान्थाफोराव साबसिन हारिमायारि फिचरनि थाखाय गावसिनि मावख'आरि दिन्थिफुंनयनि महराव सायख'नाय जादों। बे थिरांथाया बाख्याय जाथाव बिथोनगिरिनि थाखाय आरोबाव मोनसे अस्कार बादायलायनायखौ गायसनो, जाय अल्डबय, दा हेन्डमेडेन आरो डिंसिजन टु लिभ' नि उनाव दड, जायनि उननि थाखोआव सावरायनाय जादोंमोन। डनाल्ड इ वेस्टलेकनि सलमा 'दा एक्स'

लायगासिनो दड। पार्कआ 10 बोसोरनि उनाव भेनिसआव फैफिन्दों, जेराव बिथांखौ गाहाइ फावखुंगुर ली युं-हुनजों लोगोसे 6 मिनितसो

गसंनानै आखाय खजबनानै मान हाजादों, जाय मुलुगनां नायगिरिफोरनि थाखाय स्कवाड गेमनि थाखाय बयनिखुइबो बांसिन मिबथि

